

BŪKA, KABABŪLE



... ukubikíla ubukēti, kangi u kalumbu unnnini kunyuma kula, une ngwinogona ikyēne kikuyoba ulusúmo lula:

O, lugano lwa Kyāla, lukabi bule kangi lupelelesye!

Lusitakugeligwa bule kangi lukafu!

Lyo lisiku liki ilyēne lili kuli uswe! Unko uswe itolo nikimyēmye, ni mitu gyītu twīnamísye lilino, twīmbe lula kwa Ntwa itolo pankyeni pa lwīputol. Itolo, Teddy, linga ugwe kutupaga itolo akasāmba akanini. Kangi unko uswe itolo twīmbe ulwēne uku... ni mitu gyītu gīnamísigwe, amaso gītu gígalígwe, itolo pankyéne pa lwīpúto.

O, lugano lwa Kyāla, lukabi bule kangi lupelelesye!

Lusitakugeligwa bule kangi lukafu!

Ulwēne kwisa kwa bwilanabwila... [Ubuyo busitakandu pa tepi—Nsimbi.]

² Linga ubwiino, amiisi goosa galyaandwike ukuya ubwiino, kangi imyaanya gyooosa ukufuma ku filakatasi gyaapeliigwe, kangi akakoongoti kalikosa pa kiisu kaali kyaakusiimbila, kangi umuundu aligwesa nsiimbi ukuya mboombo yaake, looli ikyeene kikaabagiile ukuliingania u lugano lwa Kyaala uku luko lwa Adam ulugwaano. Uswe tukukupaaalisya Ugwe, Taata, panongwa ya Lilopa ilipala lila ilya Ntwa Yeso, kangi panongwa ya lubuunju ulukumbukiliigwe lula ulwa busyuuke, kangi panongwa ya lugano Lwaako ulwa butabulo ulu lonekiile panja mu ndumbula syiitu umwiisyuugu, ukwisila mwa Mbepo Mwikemo. Tutwalaga uswe mbulilanisi bumo nu Mweene, u Gwakyala Yula, u Mpele. Tutwalaga uswe mbukundwe, pa kisu, ubu bukakīndigwamo siku. Nabumo ubugono, nalumo ulufiingo, lwaabagiilemo siku, siku ukufwanikisigwa nu bukundwe bwa nyaambala nu nkiikulu umpaapigwe—kabili. Kangi lwisakuyaga kwa bwilanabwila lwiimbo lwa biikemo na baandumi!

³ Uswe tukusuma umwiisyuugu ukuti Ugwe kwisakusaya kyoosa iki uswe tukuboomba mukugela ukuliingania, ukwitu—ukwiti ukupaalisya mu ndumbula syiitu kwa Ugwe, panongwa ya iki Ugwe utuboombiile uswe. Kangi ukumanya ukuti sikāli syēne mma ndumbula sya bafuundigwa isi syaali nhobofu ulubunju lula, Maria na Maria Magadalena, lōli nūswe uswe, twe bafundigwa Bāko umwīsyugu, indumbula syītu sitēndekígwe ukuya nhobofu isala iyi uswe tukwāga ukuti Umwēne akaya mfwāno, lōli mūmi. Umwēne alikindililāga ukuya mūmi mu ndumbula syītu, pakati pītu. Uswe tukusuma mu Ngamu ya Yeso. Amení.

Pakālipo nayumo ugwakuyapo siku ukulīngania ubusyūke!

⁴ Lilino, pa lubunju lwa busyūke, akēne ko kabalilo kamogi fiyo ukuti utusekelo utunini ukubōneka nkipanga lilino, uko ko, bamāma ukwīputisya abāna bābo. Ikyēne kyo kīndu kimo ikipya, ikindukimo kyōngeliligwe ku kāya kābo. Ulusaya lumo ulupya lwīsīle ku bēne. Kangi abēne bikulōnda, mukugomokesya, ukupa akēne kwa Kyāla.

⁵ Kangi polelo ukufuma pa—pa ndumi ya lubunju, uswe tukubūkāga ukuya nu lwīpūto kuli babīne, aba bisakusūsīgwa ukufuma ku bubīne bwīnu, ukubūka mu bukafu bupya. Polelo nakalinga ukufuma apo, ku bābo aba bakōsīgwa mma, uswe tukuyaga nu busyūke bwa ikyo; yāga nsyīligwe mmisi, ukusyūka ku bupya bwa būmi. Ikyēne kyo lōsa palikimo busyūke ulubunju ulu, ubusyūke! Indumbula syītu sitēndekīgwe ukuya nhobofu kangi mbepe, bo uswe tukwīmba inyīmbo nukupilikisya ku bukēti bwa bāngi, ubwa lubunju lwa busyūke uluswīgīsye ulu. Kangi uswe tukukēta panja kangi uswe tukukēta Kyāla yp nhobofu pa kyēne, imipiki gikusyūka.

⁶ Akabalilo kāmō aka kakīndīle, kula ku Kenticky, Tāta. Wood na une twafwīmāga abalukoti, kangi uswe twābūkīle ku buyo bwa nnyāmbāla yumo. Unnyāmbāla yula lumo itūgēsye alipo papapa lilino, ku fyōsa ifi une mmenye. Kangi umwēne ābagīle ukuya nsitakyāla. Kangi Nkundwe alinkundālūsya umwēne, alinkuti, “Ngimba une mbagīle ukufwīma abalikoti mbuyo bwāko?”

Umwēne alinkuti, “Ena, Wood, ugwe ubagīle ukufwīma abalukoti. Kindililāga būkaga.”

Umwēne alinkuti, “Ena, une ndwele u ntimi gwāngu mula.”

⁷ Kangi umwene atile, “Wood, ugwe utikusanusya ukumbula une ukuti ugwe kufīmbilisīgwa ukufika pāsi fiyo mpaka ugwe kufīmbilisīgwa ukupīmba u ndumbilili na ugwe akabalilo kalikōsa!”

⁸ Kangi popāpo umwēne alinkungōlēla une kula uku—uku mbonesa une. Kangi umwīnitu āyobīle ukuti umwēne āli fiyofiyo luko lwa mwīnitu unkali. Umwēne āyobīgwe na bāngi, ukuti, umwēne ātoligwāga ukukabona kalikōsa ukutēndēka umwēne ukwītika.

⁹ Kangi pala gwālipo u mpīki gwa ma apulo gwīmīle pala ugu une nālyāpīle i apulo limo ukufuma mu gwēne. Ukwēne kwāli mu Ogasīti. Kangi une ndinkuti ku nnyambala yula, Une ndinkuti, “Nkūlu bulebule u mpiki gula?”

¹⁰ Kangi umwene alinkuti, “Ifyinja fimo malongo matatu,” ikindukimo pamo ikingi. Umwene āgubyele ugwēne.

¹¹ Kangi une ngukuti, “Ugwe ulīle ukufuma mma apulo ukufuma pāgo ugwēne gwāpāpāga?”

“Ena, nkulumba.”

¹² Une ndinkuti, “Ngimba kyo fiki kikuboneka ku mpiki gula? Linga ugwe kwisakugubōna ugwēne, ukwēne lilino yo Ogasiti, kwāli kabalilo akapyāno mōsa mula; lōli lilno amāni gikugwa ukufuma mu mpiki gula, kangi ingolya yikusōkamo mu sāmba, ukubuka pāsi mu misisi. Linga ugwēne gukuyāngapo apa ukukīnda nkabalilo ka matalala, umpiki ugu gwisakuya nagumo; lōli ugwēne gukubūka pāsi mu mfu, ukwīfisa gwēne ukufuma ku mbepo indalalifu. Linga ugweene gwaasyeele pamwanya apa, angali ugweene guwile, ugweene angali gutikupaapa amaapulo kangī mma. Looli ugweene gukubuuka paasi ukwiifisa gweene mmisisi, ukugomokela ikyinja ikikoonge, ukutwaala amaapulo ukufuma kubuyobumo, kangī na maani gamo.”

¹³ Kangi une ndinkuti, “Lilino, nkulumba, une—une ngusuma ugwe umbule une go Mahala maki gikuteendeeka ingolya yila ukusookapo mu mpiki bo ukutalala nakumo kwiisile, kangi yikubuuka paasi mmisisi ukwiifisa? Linga ugwe ukabagila ukumbula une kyo fiki kikuboomba ikyo, kangi nukuliingania ikyeene kwa une, kyo fiki kikuboomba ikyeene, Polelo une ngukwitikisyaga ugwe ukubiika ikiboko kyaako pa Kyaala.” Une ndinkuti, “Ugwe kubiika amīsi pa liyēngo kangī kēta linga ikyēne kisakubōmbāga ikyēne, kēta linga ukwānduka kwa kabalilo kisakubōga ikyēne. Galipo a Mahala gamo aga gikubopēsya ingolya yila pāsi mmisisi gwa mpiki, kangī polelo kikutwāla ugwēne ukugomokela kangī nu būmi ubupya. Uyo yo Kyāla.”

¹⁴ Kangi umweene alinkuti, “Une ngabuukamo siku ku kipanga kingi fiyo mma.” Umweene alinkuti, “Loli aalipo undumbilili yumo aalisile panja apa ku Acton, akabalilo kaamo, kangī aalimbulile unkiikulu yumo, iituugasyaga pamwanya pa kaamba, ukuti ulilumbu gwaake aali kula ku lukomana ikilo kila, kangu aalimbulile umweene ukuti umweene iiputilaga uliluumbu gwake uyu aali na kansa.” Kangi alinkuti, “Unkasi na une twaaliko kula ukuntula umweene.” Kangi alinkuti, “Umweene aali mbubibi fiyo, na kansa gwa muunda, mpaka abeene baafimbilisigwaaga ukunsanusa umweene nkitala nu mweenda, na fyosa bo ifyo. Ulilumbu gwaake aatweele akafunga ukugomoka nako,” alinkuti, “ukufuma paapo u nnyambala yula aalimbulile umweene isya kayiilo kaake na fyoosa, alinkuti, ‘biika ikifumga iki pa mweene.’” Kangi alinkuti, “Umweene ali kanunu umwiisyugu.”

¹⁵ “Kangi ikyeene itolo kibuuka ukunaangisya,” une ndinkuti, “a Mahala galagala aga gayibuulaga ingolya yila mu mpiki, ikyinja pa kinyinja, papapa pankyeni pa maaso gaako, ukubuuka paasi mmisisi nukwiifisa, gaali Mahala galagala aga gaalimbulile une ukuti unkiikulu yula ayaga pakubumbulusigwa akabalilo kaako umweene aabiikile i. . .” Une ndinkuti, “Ikyo kyo ki—ki kikaya kyambutitu mma. Ugwe

uli nu ndumbilili kubutali unnunupo imila ndubingilo lwaako ulwakunyeeni, umpiki, ugu gukukubuula ugwe kyiinja pa kyiinja.”

¹⁶ Linga uswe itolo tukukeeteesyaga ukusyuungutila, uswe tukukeeta Kyaala palipoosa. Umweene aali nkikipiki kilikyoosa, ilyaani lililyoosa lya liisu. Kikayapo nakimo kibagiile ukupapa ikyeene looli Kyaala. Uswe tubagiile ukupaapa ikindukimo kikufwaana bo ikyeene; looli komma ubuumi bula, ikyeene yo Kyaala.

¹⁷ Lilino, ilyaani iliniini lya liisu lyoongeleliigwe mu nyumba simo apa, kangi uswe tukuloonda ukubiipuutila abaana baniini aba kwa Ntwa. Teddy, uswe tuli nu lwiimbo ulunini apa uswe tukwiimba, *Batwāla Abēne Muno*, ubagiile ugwe itolo ukukuba lula akabalilo kaako abamaama aba bikuloonda abaana baabo biipuutiliigwe, kangi abaataata, abeene bisakubatwaalaga abanini baabo pamwanya apa ku kigemo.

¹⁸ Kangi uswe tuli nago ga mmiingi amalauba ga Paasa apa pa kigeemo ulubunju ulu, bule uswe? Mwe, mwe! Une ngwinogonela apo alipo unnini lya Maria, lya Ruth, lya Rebaka, unnini James, Paul, na John, mosa kubwa kuno, amaluba aminiini ga Paasa kuli ngulilo iyingi.

¹⁹ Ikyeene kyoosa kili kanunu, palapala pala. Une ngusuubila Nkundwe Beeler ikuloonda ukwegelela ipicha iyi iya aka—aka akiniitu akaniini imile apa, umweene yo—umweene yo mwisukulu gwa Nkundwe Wood, Kalumbu Wood pabwa apa. Kangi abaangi bikwiisa lilino na baniini baabo bala. Isaga itolo kuno, bakamu. Ikyo kyo kili kanunu. Nkundwe Neville.

²⁰ Bukulumba bo bumobweene bwa bweegi ubwikemo, ubweene busunguliigwe Kyaala. Kangi ukwiisila mu bweegi ubwikemo bukutwaala panja aba abaganiigwa abaana abaniini.

²¹ Ugwe kufiimbilisigwa ukumbula une ingamu yaake apa lilino. Brenda Sue. Ugwe kuboneka loosa nkindane, mwanike, ukukiinda akabalilo kaako une naakubweene akaakwanda. Ena, apa alipo unniini Brenda Sue Wood, naloliloli akapala akaniini akoombo ku ndumbula sya twesa uswe, kangi fiyofiyo kwa maama unkeke na taata uyu.

²² Kaangi ntubalilo twa i Baangeli, abandu biingi bikubanyaafila abaana abaniini aba, looli uswe tukugela ukukoonga ulweendelo lwa i Baangeli ukuya kifuki muumo uswe tubagiile, uswe tukakeetamo siki kuuko abeene banyaafiligwemo siku, mu li Baangeli, looli abeene baatwaaoiigwe kwa Ntwa Yeso kangi Umweene alinkubasaya abeene. Kangi uswe tukweega abeene, ukuya baboombi Baake, nubafyusya abeene ku Mweene.

²³ Une ngusuubila ukuti umwe mumenye muumo umwiisyukulu gwaake ayiiliile usangaluka, umwe mumenye. Popaapo unko uswe twinamisye imitu gyiitu itolo pakabalilo.

24 Gwe Ntwa Yeso, u Mwanike gwa Kyala, Uyu gwaalimpele panongwa ya butulwanongwa bwiitu. Kangi akène ko akandu akapala ukukeeta iki abaana abaniini batwaaligwe kwa Ugwe, mu kumbusya kwai ki kyaaboniike ifyiinja fingi ifi fikiindile, akabalilo kaako abamaama na baataata baatweele abaniini baabo bala kwa Ugwe. Uswe tukubakooolelela pankyeeni pa Ugwe, umwiisyugu, mmaboko ga lwiitiko, unniini Brenda Sue Wood, uyu atumiigwe nkikolo kwa Nkundwe gwiitu David nu nkaasi gwaake umpala. Taata Kyaala, sayaga umwaanike uyu.

25 Abène bikwilāta ulwītiko lwābo mwa Ugwe, bo abène bikutwāla umwāna gwābo ku bumobwēne bwābo. Kangi uswe tukusuma ukuti Ugwe kubasayaga abène. Kangi indumbula syabo sikulūngusigwa na Mbepo Mwikemo, ukwitūgasya ubūmi bwabunyakyāla, ubwipāgule, ukuti umwanike uyu isakukukusigwa mu kāya aka Kikristi, ukukusigwa mbumanyisigwe bwa Kyāla, nukwitūgāsye ubūmi ubutali, ubusangulufu apa pa kīsū, nukukubōmbela Ugwe amasiku gōsa ga būmi bwāke. Kangi mu Lwīmiko, kūko ifikolo fikukomana, unnini Brenda Sue na bāba gwāke na yūbe, na bōsa abānda bābo, balibūnganāga ukusyūngutila i kikota kya Kyāla, batabuligwe ni lipyāna lya Kristi, ku līlyo uswe tukumfyūsyā umwēne kwa Mwēne lilino.

26 Kalumbu gwangu, une lilino ngukupaga ugwe kwa Ntwa Yeso Kristi, ku bumi bwa bubombelo ku Mwene, mu Ngamu ya Yeso Kristi, u Mwanundumiana gwa Kyala. Amenii.

27 Kyaala akusaye ugwe, Marilyn, David, ubohofu nu buponjoli bu bwiingi. Unnini yula alituugasyaga ku Kitangala akya Kyaala.

28 Lilino, apa alipo undumiana unnunu, ulusekelo ulukulumba ulunywaamu pa kīsyo kyaake. Ingamu yaake? [U maama gwaake ikwaamula. Ūbuyo busitakandu pa tepi—Nsimbi.]

Sharon Rose... [U maama gwaake ikuyoba, “Sharon Daulton.”—Nsimbi.] Daulton. Daulton. Ngimba uyu yo mwaana gwa Nkundwe Ed? Ena, ukufika kimi, kifuki ifyiinja malongo mabili na fibili ifi fikindilepo, Kyaala aalyeegile ukufuma mmaboko gaangu akanini ka Sharon Rose, aka kali ku Mwanya, umwisyugu. Kangi lilino, ukunsungulila ku Mweene, yo nnini Sharon Rose Daulton. Uswe tummenye Nkundwe Ed nu Kalumbu Dalton, apa, ukuya binitu bapala. Yo mwana nganigwa muki!

Taata gwiitu Gwakumwanya, uswe tukutwaala kwa Ugwe uyu unnini Sharon Rose. Mu kukumbusya kwa nkulumba Ntwa Yeso, Yuuyo aalimile pa kiisu, kangi abeene baalintwaalile Umwene abalindwana abanini bo aba, une ngusumila u mwana uyu, Ntwa. Akene kali yaga nu buimi nukuya kaamaka kangi kakafu. Akeene kalituugasyaga ku lwiimiko lwa Kyaala. Sayaga ugwiise nunna. Kalikusigwaga akeene mu bumanyisi bwa

Kyaala. Abeene bikulata u lwiitiko lwaabo mwa Ugwe bo abeene bikutwaala abaana baabo kwa Ugwe. Lilino uswe tukupa kwa Ugwe, unnini Sharon Rose Daulton, ukuti Ugwe kwisakusayaga ubuume bwaake, Ntwa. Une nguntwala umweene ukufuma mmaboko ga nna nu gwiise, kwa Ugwe, Ntwa nu Mpoki gwaangu, Yeso Kristi, ku lwiimiko Lwaako. Amen.

Kyāla akusaye ugwe, kalumbu, kangu ugwe, nkundwe.

Oh, Mwe! Undumiana umbinepo, panini. Ngimba kitamiisye fiki? [U maama ikuyoba, “Untu gwaake ukwisa ukuya nnywaamu fiyo.” Ubuyo busitakandu pa tepi—Nsimbi.] . . . ikindikimo ikikiindane. Une ngumwiitika Umweene.

Ntwa, Kyaala, une ngukolelela kwa Ugwe unuuni Mason. Une ngusuma, Ntwa Yeso, ukuti Ugwe kumweegaga umwanike uyu yuuyo une ngukolelela muno mmaboko mwaangu, ukunsungulila kwa Ugwe. Une nguguna imbungo yiliyosa pa mweene. Mu Ngamu ya Yeso Kristi, unnini Mason uyu alibiikigwaga mmaboko Gaako, Ntwa, kangu imbungo yilindekaga umweene. U mwaana alituugasyaga ku luyiindiko nu lwiimiko Kyaala. Abapaapi bikulaata u lwiitiko bo abeene bikutwaala umweene. Ugwe ulibuumbulusyaga umwanike nukumpela umweene ayege kanunu. Umweene aliyaba muumi ku lwiimiko lwa Kyaala, ukukubombela Ugwe. Ntwa Kyaala, une ngubiika kwa Ugwe unnini Mason, mu Ngamu ya Yeso Kristi, panobgwa ya buume bwaake nu bubuumbulusyo. Amen.

[Ubuyo busitakandu pa tepi—Nsimbi.] Itolo itikaga ni ndumbula yako yoosa.

O, undindwana unnini, yope? Ena, ikyo kyo kinunu. Isaga kunokuno kuno, umwinitu unnini. Ima papapa pamwanya apa. Ingamu yaako yo . . . ? [Ugwiise ikuyoba, “Sumner.”—Nsimbi.] Sumner. Nkundwe na Kalumbu Sumner. Une ngusuubila umwe mu ba ku George, bule umwe? Une ninogonága une nākumbukile ulwiiputo. Baliko abaandu biingi paasi pala. Uyu yo . . . [“Latrelle.”] Latrelle. [“Dwight.”] Dwight. [“David.”] Kangu David. Umwe mupilike ingamu yaabo. Kyaala alisiimbaga ingamu syaabo pa Buuku gwa Buume gwa Kang’osi.

Taata gwiitu Gwakumwanya, uswe tukutwaala utuganigwa utu utunini kwa Ugwe ulubunju ulu, bo une ngubiika amaboko gaangu pa tutili twaabo pa mitu gyaabo, utunywiili twaabo utunini tututoofu utwa balumiana aba. O Ntwa, basayaga abeene. Abapaapi baabo baboniisye ulugano lwaabo nu lwiitiko lwaabo mwa Ugwe pa kutwaala abaana baabo. Kangu uswe tukubapāgulila abeene kwa Ugwe, Ntwa, bo abeene beegiigwe ukufuma mmaboko ga bapaapi, ukwimikigwa apa pa kigemo ulubunju ulu, ukupagulila ubuume kwa Kyaala. Basayaga abeene, Taata. Uswe tukusuuma ukuti Ugwe kubiitikisyaga abeene ukwitugasya nu busangulufu, amasiku goosa ga buume

bwaabo, u Buumi bwa Syeepwa nkiisu iki kikwiisa. Abeene balikusigwaga mbumanyisi bwa Kyaala, mu nyumba ya Kikristi.

Lilino, ukwisila mu butume bwa Yeso Kristi, ukupeegigwa ikyakwegelelapo ku baboombi Baake, ukuti abeene babagiile ukukoonga muumo Umweene aboombiile, une ngubatwala abeene kwa Ugwe, mu Ngamu ya Yeso Kristi. Amenii.

[Ubuyo busitakandu pa tepi—Nsimbi.]

Kubutali kula nkiisu kya lisuba kya Georgia, umwāna uyu ātwāligwe kuno na nganigwa gwāke tāta na māma gwāke, ukupāguligwa kwa Ugwe pa lisiku lya lubunju lwa lukumbusyo. Umwēne yo buponjoli bwa lipyāna Lyāko mu kikolo kyābo. Une ngusuma ukuti Ugwe kusayaga unnini Renee, unna nu gwise. Kangi abēne babonīsyē u lwiitiko lwābo mwa Ugwe, pa kutwāla u mwānike uyu, ukulōndesya ulusayo Lwāko pa kēne. Kangi umwēne ali yaga mūmi nukuya gwamaka, nhobofu Nkristi, amasiku gōsa ga būmi bwāke. kangi nukuya nu Bumi Bwabwilanabwila mmasiku aga gikwīsa, nkisu iki kikwisa. Tupaga ikyene, Tata. Bo Ugwe gwāpīmbīle utundu utunini bo utu, bo bāna aba ulubunju ulu, mu ngōngi Syāko Syēne, ifikolo fibonīsyē u lwītiko lwābo mwa Ugwe, pa kutwāla abēne ku babōmbi Bāko. Kangi uswe tukusaya unnini Renee nukumpa umwēne kwa Ugwe; ukufuma ku ngōngi sya bapāpi, kwa Ugwe. Mu Ngamu ya Yeso Kristi, Ugwe ulinsayaga. Amenii.

Akusaye ugwe, nkundwe. Kyala akusaye ugwe, Renee.

Unko uswe itolo twīmbe ilinandi ilinini ilya ulo.

Batwala abene muno, batwala abene muno,
 Batwala abene ukuduma ku migunda gya
 mbibi;
 Batwala abene, batwala abene muno,
 Batwala abanini bala kwa Yeso.

²⁹ O, mūmo une angali nkuganile ukwīma ndukīndi nukuyōba isya aligwesa gwa abēne abinitu abanini, lōli une itolo ndinkololofu fiyo, mulimosa, kangi abāndu bimile. Nkundwe Wood aambulile une ulubunju ulu, aatile inyuma yaake yaababaga', panongwa ya kwiima. Umwe mukamanya muno une ngupaalisya umwe mwiimile kangi mukuguulila! Kangi une nguyaga gwanakalinga ni ndumi, muumo mbagiile. Kangi ume pilikisya naloliloli kifuki.

³⁰ Une ngaali na kabalilo ukutendekesya ubuluumbilili bwa lubunju ulu, pamo indumi iyi ulubuunju ulu, itolo akabalilo. Une naapiimbile akasiimbo na kandukamo aka kaali kakiindane.

³¹ Kangi u Paasa uyu akīndīle une nālumbilīle pa kimanyisyo: “*Ukuyamūmi*, Umwēne ālinganile une. *Ukufwa*, Umwēne ālimbokile une. *Ukusyiligwa*, Aapimbile imbibi syangu kubutali. *Ukusyuka*, Alinsalile kisita ntengo syepwa. Ilisikulimo *Ikwisa*, o, ilisiku ilinoge!”

Kangi polelo ulubunju ulu uswe tulumbilile pa kimanyisyo: *Une mmenye.*

³² Kangi lilino, linga Untwa itikisyege, une ngulonda ukubala ukufuma kwa Mwikemo. Kangi ugwe gwalinyimiile une lilino.

³³ Kangi nakalinga ukufuma pa iki pisakuyapo ububoombelo bwa lubuumbulusyo. Kangi ukufuma pa buboombelo bwa lubuumbulusyo pisakuyapo ububoombelo bwa loosyo. Kangi polelo imboombelo sisakuya pa sala ya buhano-na-ibili-nasinda.

³⁴ Lilino Mariko 16.

Kangi akabalilo u Sabata aakiindile, Maria Magalena, . . . Maria u maama gwa Yeso, kangi Salome, baatweele utulungo utununu, ukuti abeene baabagile ukwisa nukumpaka umweene.

. . .fiyo ndubunjubunju ilisiku lyaakwaanda ilya ndungu, abeene balinkwisa ku lipuumba ku busookelo bwa lisuba.

Kangi abeene balinkuyoba pakati pa beene, Ngimba ywaani ikutubungulusilaga ilibwe ukufuma pa kifigo kya lipuumba?

Kangi akabalilo kaako abeene baakeetile, abeene baakeetile ukuti ibwe lyabungulusiigwe nukwiiguka: kabuno ilyeene lyaali linywaamu fiyo.

Kangi pa kwiingila mu lipuumba, abeene balinkumbona unnyaambala unkeke ku lubafu lwa kiliilo, afweele umweenda untali umweelu; kangi abeene balinkuya nulutende.

Kangi abeene balinkuyo ku beene. . .Kangi umweene alinkuyoba ku beene, Mungatetemaga: Umwe mukuloondesya Yeso gwa mu Nazareti uyu aakomeleliigwe: umweene asyuukile; umweene akaya kuno: keeta ubuyo paapo abeene balindambaliike umweene.

Looli buuka pa njila yiinu, kangi kababuule abafuundigwa bake na Peteri ukuti umweene atalwiile pankyeni pa umwe ukubuka mu Galilai: kula umwe mwisakumbona umweene, muumo umweene aayobiile kwa umwe.

Kangi abeene balinkubuka nakalinga, nukubopa ukufuma ku lipuumba; kabuno abeene baali nulutende kangi baaswiigaga: kangi abeene bakayobaga akandu ku muundu aligwesa mma; kabuno abeene baatiilaga.

Lilino akabalilo kaako Yeso aasyukile ndubunjubunju ilisiku lyakwaanda ilya ndungu, umweene aabonekile

ikyaaakwaanda kwa Maria Magalena, ukufuma mwa umweene aakagiile imisyeetano mihano-na-mibili.

Kangi umweene alinkubuuka nukubabuula abeene aba baayaga nu mweene, bo umweene...bo abeene bikukuuta nukulila.

35 Mwaketa lelo umwe lelo, umwene alinkuyoba kwa umwe.

Kangi abeene, akabalilo kaako baapilike ukuti umweene aali muumi, nukuti umweene aaboniigwe nu mweene, balinkusita ukwitika.

36 Gali gaambutiitu bulebule a Masyu ga Kyaale!

Ukufuma pala umweene ku...mbubuumbe ubungi ku babili ba abeene, bo abeene beendaga, nukubuuka ntwaaya.

Kangi akabalilo kaako...kangi balinkubuuka nukukiyoba ikyeene ku basyaale: kangi abeene balinkusitakwitika abeene.

Ukufuuma pala umweene alinkubonekela ku balongo na yum obo abeene baalitugesye bikulya, nukubakemela abeene na iki...panongwa—panongwa ya kusitakwitika nubukafu bwa ndumbula, panongwa yakuti abeene bakaaliitike abeene aba baalimbweene umweene ukufuma paakuti umweene aafyuukile.

Kangi umwene alinkuyoba ku bene, Bukaga umwe nkisu kyosa, . . . ukulumbilila inongwainunu.

Uyu ikwitika kangi ikosigwa isakupokigwaga; . . . umwene uyu atikwitika isakutagigwaga.

Kangi ifimanyilo ifi fisakukongaga abene aba bikwitika; Mu ngamu yangu abene bisakusatisyaga imisyetano; abene bisakuyobaga ni ndimi imbya;

Abēne bisakupĩmbága injoka; . . .linga abēne bikunwa kalikōsa akakufwa nako, akēne katisakubafulasya abēne; abene bisakubĩkága amaboko pa babine, . . . abene bisakumbulukaga.

Popāpo polelo ukufuma pāpo u Ntwa āyobile ku bēne, umwēne alinkwambililigwa mmwanya, nukwitugasya ku kiboko ikitalusye ikya Kyāla.

Kangi abene balinkubuka, kangi u Ntwa ikubomba imbombo isi, gwe Ntwa ikubomba na bene, ikusisimikisya i lisyu ni fika fikukonga. Amen!

37 Une nguloonda ukweega ubusiimbe ufuma ku masyu mabili: *Būka, Kababūle.*

38 Umwe mumenye, ikyeene kitikuboomba ubununu bwiingi ukubuuka linga ugwe ukuya nakyo ikindukimo ukwakubabuula. Une ngwinogona ulo lo lwaali luluundiko loosa ulwa lutamio umwiisyugu. Uswe tukubuuka ukwakubabuula, uswe

tukubuuka ukuya nakyo nakimo ukubuula, nakimo ikya mfunjo, nakimo iki kyaabagiile ukutula abaandu.

³⁹ Looli linga uswe tukukoongaga indagilo bo aba abafuundigwa aba balinabo ubutumigwe, uswe tuli nabo ubutumigwe bulabula, “Būka, kababūle abafuundigwa Bāngu ukuti une nsyuukile ukufuma ku bafwe.” Buuka, kababuule ikyeene!

⁴⁰ Polelo Umweene ikuyoba, “Buuka, kaluumbilile ikyeene, nukwakunaangisya ifimanyilo ifi ukuti une ndi muumo ukufuma ku bafwe.” Yo ndumi nki! “Būka, kababūle, kangi būka, kabanāngisye abafūndigwa Bāngu ifindu ifi ifi umwe muketile, ukuti une ngaya mfwe mma, lōli nsyūkile ukufuma ku bafwe.”

⁴¹ Indumi ya kulubunju ulubunju ulu, uswe twaagile ukuti aligwesa gwa uswe ali nako akaluundiko akanini aka liito aka ndamyo ni ngelo ulu uswe tukwitugasya nukubwatalala pa mwanya, utubalilo tumo, ukuguulila ku lubatamiso. Uswe tukwaaga ukuti u taata unkulumba Job aali ni mboniboni, panongwa yakuti abeene baakaali bakaali na Paasa taasi, looli umweene aaketile ifyinja maelifu mana kubutali ulubunju ulu. Umweene aakeetile ifyinja maelifu mana kubutali, u Paasa, kangi alinkukuta, mbutolwe bwaake, “Une mmenye u Ntabuli gwāngu gwabūmi! Amasiku gabumalikisyo, Umwene isakwīma pa kisu. Palema nalinga ifwīngili syamumbili sikōnanga umbili ugu, lōli mu mbili gwāngu une nisakumbona Kyāla.”

⁴² Lilino, ukufuma pa Paasa, uswe tukwaaga ukuti Kyaala aalimpeele u muundu ubutumigwe, “Buuka, kababuule! Kangi linga ugwe naloli kubabuula, *iki* kisakukukoonga ugwe. Buuka kangi kababuule!”

⁴³ Lilino, ikyeene kitikuboomba ubununu nabumo, muumo une njobiile, ukubuuka, ukubuuka, pene paapo ugwe ulinakyo ikindikimo ukwakubuula. Kangi linga ugwe uli ni ndumi insobi ukwakubuula, polelo ikyeene kitibuboomba ubununu buliboosa. Ugwe kufiimbilisigwa ukwakubuula iki kyo kyambutiitu.

⁴⁴ Akabalilo kamo aka kakiindile une naabalaga ilibuuku, isya ndumiana unniini uyu aali...aalingile mbukino. Kangi mbukino ubu umweene ayaga pakwiteendeka umweene ingamu imfumuke. Undumiana unniini aligwesa uyu aabagiile ukukyunga ilisyu-lya-kwiingila mu liinogono lyaake mpaka umweene aafikile ku buyo bumo, kangi umweene aayobaga ilisyu-lyaakwiingilila ili, kangi unkyunga-kipata aamwitikisyaga umweene ukukiinda. Kula kwaali ko kugela u IQ gwa mwanike. Kangi akabalilo kaako umweene aafikile ku buyo, ukuyoba ilisyu-lyaakwiingilila ili umweene aapeegiigwe ku mweene, ikipata kiigukaga kangi umweene abaagiile ukukaba uluyiindiko ulukulumba.

⁴⁵ Undumiana yumo unniini, ukuya mwengo-malundi fiyo, kangi aamenye kanunu kangi kanunu ukuti umweene

aabagiile ukubatola boosa ba balumiana abangi ukubopa mu bukino ubu, pamo umweene inogonaga umweene aabagiile. Umweene alinkwiiyisibisya ilisiku ukufuma pa lisiku, isya kubopa. Muumo umweene aatuyisyaaga amabagaya gaake, ukubiika umbili gwaapanja gwaake mbusekele, ukuti umweene angakatalaga bo umweene ikubopa. Kangi umweene alinkwiiyisibisya akaandilo na malundi gaake, kangi nukuya nukubiika untu gwaake nkyeeni mwa bosa ba balumiana abangi. Kangi muumo fikuti umweene aabagiile ukutuuya nkabalilo ka kubopa, ukuti umweene aabagiile ukukyuunga u oksijini uyu isaga mu mbili gwaake, ukukyuunga umweene ukukindilila ukutuuya, ukuti ikyeene kilingakolosyaga indumbula yaake fiyo mma. Umweene aafundile ikyeene ukufuma mbuketelo bulibosa ubu umweene aabagiile.

⁴⁶ Kangi ndubunju ulu ulukino lwaandaga, balipo ukukiinda abalumiana ba mia batatu na na malongo mahano bimile mbugoloke, pa ngulilo yimo. Undumiana unniini uyu aali looli gwa bunywaamu bununu, ku ngulilo yaake. Kangi umweene aakumbukiile boosa ubufuundigwa bwaake. Kangi umweene aaliteendekiisye. Abeene balinkufika pa bugolosye bula, ukubiika utwisyo twaabo utunini pa—pa ndisi ulu lwaaliisile mula, ukuguta utumbulo twaabo utuniini pamwanya pa ugweene. Umweene aafuundile indagilo syoosa isya kila, ukwiiteendekesya mweene.

⁴⁷ Kangi polelo akabalilo kaako indusu yaatusuligwe, kangi undisi gwatumuliigwe, abalumiana abaniini bala balinkunyeela nkyeeni. Kangi umiana unniini uyu yuuyo aali fiyo gwakufwaana mumbili mpaka umweene aanyeelile kubutali pankyeeni pa boosa ba abeene. Kangi ukusuluka pa nsebwe umweene alinkubuuka pa bwengo ubukali, umfundidigwe kanunu, mpaka umweene aabagiile ukuntola undumiana aligwesa uyu aali mbukino bula. Kangi umweene aali pala, o, akabalilo kamo akatali, lumo i miniti pamo katalipo, bo abanunu fiyo abāngi ababopi bakāli bakafikilepo siku pa buyo bula.

⁴⁸ Lōli, ukufūndisígwa kwamumbili kōsa, umwēne ālībwbwe ilisyu-lyākwingilīla. Umwēne ālibwībwe ki kindu kilakila iki umwēne ābagīle ukuyoba, ukuti bāmmwitikisye mu kipata. Kangi umwēne alinkwikanyanga ukusyūngutīla, nukwīnogōna ilyēne, nukulōndésya ukukīnda mu linogono lyāke. Umwēne ālōndile fiyo ifindi ifyābwīla, ifipalamāsígwe ifya mbili gwāke, mpaka umwēne ālībwbwe ikindu ikinywāmu. Ukukīnda, pāsi pa lukīndi lūla, bamo mwa balumiana aba bakābōpīle mbibi fiyo mma, balinkukūmbukila ilisyu-lyākwingilīla, kangi balinkwīngīla mula.

⁴⁹ Momūmo kuyīlīle ukwēne umwīsuyugu! Uswe tukunyonywa fiyo ukuyēnga mbwīputīlo mbukulumba, ni fipānga ni miyūmba, na fyosa bo ifyo, kangi tukunyonywa fiyo ukukyūnga ifipānga

fyĩtu mbupupute, ni miyũmba iminunu ni fikota ifipuputĩgwe na malõnge amanunu. Abalũmbilili bĩtu bafũndisĩgwe kanunu fiyo ukufuma. . . Abẽne bali na Dokotala DL., Ph.D., LL.D. amadigiri, lõli uswe twĩbwĩbwe iki uswe tukubopela. Ulo lo lutamio. “Bũka, kababũle abafũndĩgwa Bãngu ukuti Une nsyũkĩle ukufuma ku bafwe kangĩ Une ngwaganaga na bẽne mu Galilai.” Uswe twĩbwĩbwe ilisyu-lyãkwĩngilĩla. Uswe twiyẽkĩle ni fĩndu ifĩngi, ukutẽndeka ifipanga-fipãgũke ifinywãmu, mpaka uswe twĩbwĩbwe ilisyu-lyãkwĩngilĩla.

⁵⁰ Imibũmi mĩngi gipokĩgwe panongwa ya kwĩtendekesyela isekelo isi kwĩwisa. Akabalilo kãmo aka kakĩndilepo, u nãbũlĩgwe ukuti mu Florida, u nnyãmbala untwalanõngwa, i kampani ya syãkabalilo, yãtumĩle pãnja ukufumusya kwa kabalilo ukuti kukuyãngãko umbelo unkulumba gukwĩsa. Kangi u mũndu yumo ãli nkusya nguku, kangi umwẽne alinkubũka ku mpalamani gwãke nukumbula umwẽne ukuti umbelo gukwĩsa. Umwẽne akinkupĩka, kangi alinkuti, “Butoyofu!” Kangi umwẽne itolo alinkukĩndilĩla. Umwẽne alinkusita kusibĩka inguku syãke. Umwẽne akabukilemo nkibwĩna. Umwẽne akãtẽndikemo siku ukwĩtẽndekĩsya. Kangi umpalamani gwãke nalõli ãtẽndĩke ukwĩtẽndekĩsya. Lõli bõsa, ukufuma pa yumoywene uyu akãlyẽgile ubusoke, syõsa isya nguku syãke silinkupũtĩgwa nukugogigwa, inyumba yãke yilinkuswãnyuligwa pãsi, ikyũma kyãke kyãtãgĩgwe, umwẽne ãtumĩgwe ku kipatala. Fyosa ifi panongwa yakuti umwẽne akãlyẽgile ukupilikila nu busoke! Umwẽne ãmenye indumi yãpegĩgwe, lõli umwẽne ãtolĩgwe ukupilikila indumi.

⁵¹ Iyo yo njila yiyo ikyẽne kiyĩlĩle umwĩsyũgu, na bĩngi ba bãndu bĩtu, ni fĩngi fya fipãnga fyĩtu. Uswe tumenye ukuti i Bãngeli likumanyĩsya ukuti Yeso Kristi yo yuyo mmayolo, umwĩsyũgu, na bwilanabwila. Uswe tumenye ukuti i Bãngeli likumanyĩsya, Yeso ayobile, mwa Mwikemo Yohani 14:12, “Umwene uyu ikwitika mwa Une, palema nalinga, imbombo isi Une ngubomba isakubombaga yope; inywamupo ukukinda isi isakubombaga umwene, kabuno Une ngubuka kwa Tãta.” Lilino uswe twanyonywaga ifindu ifingĩ, kisita kwitikĩsya ubusoke, kisita kupilikila. Uswe tubopile, lõli kisita kupilikila i Ndumi. Uswe tubũkĩle, lõli tukãmenye ikyakubũla akabalilo uswe tukufika kula.

⁵² Amasiku amanandi aga gakĩndĩle akabalilo kãko ifipãnga fya nkĩsu iki, akabalilo kãko ifipãnga fya Kikristi fyãtwãlĩgwe ku bukosityoni nubuywẽlufu, akabalilo kãko unjindikĩgwa kangĩ ummanyikĩgwe kangĩ untila-Kyãla umbombi, Billy Graham, ãtwãlĩgwe kisyo na kisyo ni i Bãngeli. Umwẽne ãbopĩle, lõli ãlibwĩbwe i Ndumi; akabalilo kãko yula Gwamuhamdi ãlĩmĩle ku kĩsyo kyãke nukumbula umwẽne, “Linga ili libagile ukuya Lisyu lya Kyãla, unko uswe tukukẽte ugwe kulitẽndekãga Ilyẽne libonekelãga pabwẽlu.” Umwẽne ãbopĩle kanunu,

isasanio ingulumba, ifindu ifikulumba. Lōli, akabalilo kāko ikyēne kikwisa pa buyo, umwēne akāli nayo i Ndumi.

⁵³ “Une yone uyu asyukile ukufuma ku bafwe. Une ne yuyo mmayolo, umwisyugu, na bwilanabwila.” Ukubopa mumbili, ifipānga ifinunu, ifilūdilo fīngi, ifipanga-fipāgūke ifikulumba, lōli ikyo kikaya kyakwigulila mma. Kētésya iki kyākongile, “Kangi ifimanyilo ifi fisakukōnga abēne aba bikwitika.” Būka, lōli akamēnya ikyakubūla.

⁵⁴ Kyāla akatumamo siku u mūndu pene pāpo Umwēne ikumpa umwēne ikindukimo ikyakuyoba. Kyāla akabalilo kōsa ikusisimikisya i Lisyu Lyāke.

⁵⁵ Ukubūka, lōli kisita kuya gwakubagila ukubūla akabalilo kāko ugwe kufika kula. Kali bo bunywāmu buki bwa sasanio syīnu, bo bunywāmu buki bwa fipānga fyīnu, pamo bo bwīngu bulebule ifikipānga-kipāgūke kyīnu kikukīnda ifīngi, linga umwe mukaya nakyo ikindukimo ukubabūla abēne, ngimba umwe muli na kaki lōli ikibugutila kya bāndu bībūngenie palikimo bo kubugono?

⁵⁶ Uswe tuli ni Ndumi iyakukibūla ikīsu, “Yeso yo mūmi! Umwēne akaya mfwe mma!” Ukipilikila i Ndumi!

⁵⁷ Nkīsu ikikulumba iki iki uswe tukupalisya, United States of America, mōsa mu fuluganikane mwāke, mu bōsa ubulogwe bwāke, mōsa mu bubibi bwāke, pōpe ikyēne kyo kīsu ikikulumba ukukīnda nkīsu, kangi mbwandilo, panongwa yakuti ikyēne kyābīkīgwe nubutalusye. Ikyēne kikapimba i Ndumi.

⁵⁸ Ifyīnja fīngi ifi fikīndilepo, akabalilo kāko ikyēne kyāli mbwanike bwāke, akapāngo kakwisa ku līnogōno, iki a baBritain bayaga pakwēga ubukabi-bwatwesa ubwa kīsu iki. Kangi kyālipo ikibugutila kya banyāmbāla aba bālibungenie bēne palikimo kāngi bāli pa mbombo, ukukētésya. Kangi yālipo ifalasi yimile yipinyililigwe, kangi untogi itēndekīsye ukwitoga akabalilo kalikosa. Ikindu kyākwānda umwēne alinkwēga ikimanyilo ikyākūti a baBritain bisaga, kangi umwēne alinkwitūgasya pa falasi yāke. Ngimba kyo kinunu kiki ikyēne kyābagile ukubōmba ukufimibilisya i falasi yāke? Ngimba kyo kinununki ikyēne kyāyaga, ukukoma i falasi nukugela ukutēndēka injila yāke ukufuma ku kipānga kila ukubūka ku Boston? Ngimba kyo kinununki angali ikyēne kibōmbile ku mwēne linga umwēne akāli ni ndumi ukubabūla abāndu? Abēne angali bamenye bulebule ikwitēndekesya bēne?

⁵⁹ Abītu abalilino aba Paul Revere babopile kanunu fiyo, lōli, abēne bikubopa itolo, yikayapo i Ndumi. Isala yili apa, ubutolwe bulipo! Ikīsu kili kubumalikisyo! Ifipānga fyāgēne ni kyāmba kyābo. Ifikolo fyāgēne ni fyāmba fyābo. Ubūmi bwa būndu bufikile pa bunoge bwāke. Sayansi yāgēne na bunoge bwāke. Uswe tupāngenie nukutēndēka ifipānga ifinywāmu, ukupupūta abalūmbilili bitu kangi mūmbili ukubabāmbika abēne, ukuti

abēne bikumanya akabōmbelo ka masyo amabōmbi gābo na masyo agakutula amabōmbi, kangi nu tōgo twābo kangi—kangi na gōsa na mavawelo gābo, kangi kilikyōsa itolo itolo mula mu saikoloje, ukukola abāndu. Lōli ikyo kikāli iki Yeso āyobīle!

⁶⁰ “Mu Ngamu Yangu abene bisakusatsiyaga imisyetano. Abene bisakuyobaga ni ndimi imbya. Linga injoka ingoge yisakubalumaga abeene, iyeene yitisakubafulasyaga abeene. Linga abeene bikubiika amaboko gaabo pa Babine, abeene bisakubuumbulukaga.” Ikisu kikufuumbwa untumigwa ni Ndumi, ukuyoba ikindukimo, nukumanya kuuko I Ndumi yikufumlako kani kwa Ywaani Iyeene yikufumilako.

⁶¹ Paul Revere, bo umweene ikwitoga pa falasi yaake, unnyaambala unkifu, unnyaambala uyu ali mu syambukulu akabalilo koosa apa kilipo ikiisu ukuya ni syambukulu. Umweene aateendike ukwitoga ukupaaguligwe kula ukufuma pa makato ga kipaanga, ni ndumi iyi yaasokile aligwesa, ukufuma ku ndondo ukukinda ukubuke ku nkabi ukukiinda, ukufuma ku ndimi ukubuuka ku gwaambombo, “Aba Britain bikwiisa!” Kangi abanyaambala ba kabalilo balinkwiteendeka beene ukwiiteendekesya ku butikigwa. Kangi ikikolo ikikulumba iki kyaapokiigwe.

⁶² Linga ikilingo iki kya Kyaala, linga abaandu aba baabo Kyaala aafwiilile, linga i Kipanga iki kikyo kikukooeligwa ni Ngamu Yaake, kisakupokigwamo siku, uswe tukufimbilisigwa ukuya nu ntumigwa ni Ndumi ukufuma ku Kikota, ukwaagana nu matati ga lisiku ili. Alipo Goliati, looli Kyaala isakuya naloliloli na Davidi pa buyobumo. Uswe tukufiimbilisigwa ukwaagana nu kukolelana. Uswe tukufiimbilisigwa ukuya ni . . . Uswe tukufiimbilisigwa ukuya ni Ndumi.

⁶³ Uswe tukubuuka, looli nakimo ikyaakuyoba. Ikyeene kyaasisimikisye ikyeene, akabalilo kaako uswe tukwiisa ku buyo ukuti ikiisu pamo abaandu aba bikukaana Yeso Kristi ukuya yo Mwanundumiana gwa Kyaala, kangi bikwiima nkisyo kya balumbilili ba matati ukukiinda aba lisiku ili. Kangi polelo mbwibuungano ubukulumba ubwa kipaanga, ukwaaga aba kiKomyunisti baamo malongo matatu bikupiimba ifikalatasi ku fyiinja malongo mabili pamo malongo matatu, ukuti abeene bo mbakasya sya kipani kya kiKomyunisti, mfipaanga fyiitu ifibuunganie. Ngimba tubagiile ukuboomba fiki? Ikyeene kikunaangisya ukuti abeene babopile kisita Ndumi; ukugulisya panja bulabula bu bwaabuke bwakupaapigwa ubwa kikolo, ukugulisya ubwaabuke bwakupaapigwa ubwabwiila ubwa Kipanga.

⁶⁴ Ikyeene kyoosa kisile ku buyweluke. Ikyeene kisile ku buyo bwakuti i Kipanga ikinini iki kiitike i Ndumi, kangi kiimile pa malundi gosa mabili, na maso gaabo gali pa Kipingika, mu ndumbula yaabo ubisyuuke bwa Yeso Kristi, sikupya!

Ikyeene kifikile ku buyo kuuko ifikolo fikusfiimbilisigwa ukulyaagania Ilyeene. Ikyeene kyo ku buyweluko. Yo nongwa yo yakuti ifipaanga. . . Akabalilo kaako u Lukomano lwa Fipaanga, ikyeene kili fiiyo kilukiigwa na ba kiKomyunisti, yo nongwa abeene bakabagila ukwitika mu kikiinda-kipeligwa. Yo nongwa abeene bakabagila ukwitika mu bubumbulusyo Bwamwakyala; abeene bakaya nayo i Ndumi yiliyosa mu ndumbula syaabo, kali abeene bikubopa nu bukafu bulebule.

⁶⁵ Linga u Mbepo Mwikemo ikwisa mu ndumbula ya muundu, umweene isakwitika ukuti Yeso Kristi asyukile ukufuma ku bafwe, kangi Umweene ali nu bumi mu mweene, ukubomba, kangi ukubomba ubwiigane ubu Umwene iisile ukubombaga; u bwiigane, u bwiigane bwa Kyala ukwisila mu buumi bwa nnyambala yula.

⁶⁶ Looli, ulutamia, uswe tukubopa, uswe tukubuuka kisita Ndumi. Uswe tukubuuka nu bufunda-kyala. Uswe tukubuuka nu luko lumo ulwa kulingania kwa kipanga kwa Masimbo.

⁶⁷ Uswe tukufiimbilisigwa ukubuuka nu busyuuke! “Buuka, kababuule abafuundigwa Baangu ukuti Une nisakupaangania ikipaanga ikipya”? Umma, nkulumba! “Buuka, kababuule abafuundigwa Baangu ukuti une nsyuukile ukufuma ku bafwe, bo une naayobiile une nguboombaga.” Iyo yo Ndumi ku Kipanga ulubunju ulu, ukuti Yeso akaya mfwano mma. Umweene yo muumi, kangi itolo u nkulumba kangi gwamaka umwiisyugu bo muumo Umweene aalimo siku.

⁶⁸ Uswe tutalile twaali ni ndumi sya busoke nyiingi, ukwiteendekesya, Paul Revere na banyaambala abaangi abakulumba, kangi imibwiite na mibelo imikulumba, ni fiindu.

⁶⁹ Polelo, Kyaala ikutuma I Ndumi ya busuubisyo, yoope. Iyi yaali Ndumi ya busuubisyo.

⁷⁰ Akabalilo kamo aka kakiindile, akabalilo kaako abeene baali nu butumwa Kwitongo, abaBunu baatweele ukukilania ukufuma kula ku South Afria abenekaya, iki uswe tukukoolela, “umuundu gwaalaangi.” Kangi abeene baabatweele abeene kuno nukubuulisa abeene ku ba kiMerika kula Kwitongo, ukupela abatumwa ukufuma ku beene.

⁷¹ Ukusaambuka ukukulumba ukufwana ni kyeene mu Africa umwiisyugu, ukugogana, na fyosa bo ifyo, fikuboombigwa. Abeene bikulwiila ubwaabuke bwaabo. Abeene bali nu bwaabuke ukulwiila ubweene. Kyaala aapelile u muundu; u muundu aapelile abatumwa. Ikyeene kikaloondigweemo siku.

⁷² Ifyinja finini ifi fikiindilepo, une naali mu kolisiumu, pamo mbukyungila ifyaiyolo, ndigi. Une nendendekaga ukusyungutila, ngukeeta ifipiicha ifikindanekindane ni fiindu, kabuno une ngunyonywa ifyakwaata. Une ngwinogona Kyaala ali mu fyaakwaata. Kangi une ndinkubuuka kula, kangi une ndinkukeetesya pala aalipo unnyambala gwa kiNegro

unkaangale, umweene aali naloliloli nkaangale, iinamile paasi mfibega fyaake, itolo akakolofwa ka nywiile ku nyuma kwa ntu gwaake. Umweene aafweele ikitili kyaake. Kangi umweene endaga ukusyungutila, kangi ikindukimo nkayilo *kala*, ikukelengania, ukuya ngati umweene aakeetesya pamo aalondaga ikindukimo mbukyungila ifyaiyolo mula. Une ndinkwimila ku nyuma nukunkeetesya umweene pa kabalilo kamo.

⁷³ Kangi ukukiinda akabalilo umweene alinkwisa ku kabokosi kano akanini pala. Kangi umweene alinkukeeta nkati mu keene, kangi alinkuswiiga, kangi amaso gaake galinkwēluka. Umweene alinkunyelela ku nyuma ukufuma ku kibokosi pa miniti, alinkufuula akatili kaake akaniini akaboneka bo kyakwigalilila. Kangi une ndinkunkētésya umwēne. Kangi bo unkāngale untītu yula inamisye untu gwāke, amasosi gikwaanda ukugwa ukufuma mu njegeyege syaake. Kangi une ndinkunkeetesya umweene ni kiswiigo, pakabalilo kanini kamo.

⁷⁴ Polelo une ndinkwinogona, “Une nisakusyaganiaga iki umwinitu unkaangale yula aanyomosigwe nakyō.” Une ndinkusegelela ukusyungutila pa lubafu *ulu*, kangi ikylene kyabonekaga kwa une ukuya diresi nkati mula.

⁷⁵ Kangi une ndikunketa umweene imile pala. Kangi une ndikusegelela, une ndinkuti, “Mubombile ugwe, jomba?”

Kangi umwene alinkuti, “Mubōmbile, nkulumba.”

⁷⁶ Kangi une ndinkuti, “Une ne ndumbilili. Une naaswiigile ukukubona ugwe kupa ulwiiputo pa buyo ubu.” Une ndinkuti, “Une mbagiile ukwinogona ugwe guli Nkristi.”

Umwēne alinkuti, “Ena, nkulumba.”

Kangi une ndinkuti, “Ngimba fiki fikusangalwisye ugwe fiyo?”

⁷⁷ Umwene alinkuti, “Gweisa kuno.” Kangi une ndinkwenda nu mwinitu unkaangale, ukukilania kula. Umweene alinkuti, “Ugwe kukeeta ilidiresi lila?”

Une ndinkuti, “Ena, nkulumba.”

Umwene alinkuti, “Umwe muketile akabangabanga pamwanya apo?”

Une ndinkuti, “Ena, nkulumba.”

Alinkuti, “Bika ikiboko kyako pa lubafu lwangu.”

Une ndinkuti, “Ngimba ikyo kyo magengelemia nimwene?”

⁷⁸ Umwēne alinkuti, “Ikikoti kya butumwa kyābukile ukusyūngutila apo, ilisiku limo. Kangi *ilyo lyo* lilopa lya Abraham Lincoln.” Umwene alinkuti, “Ililopa lyāke lyāsosisyepo ikikoti kya butumwa ukufuma pa une.” Alinkuti, “Ngimba ikyo angali kikakusangalusya ugwe, nugwe?”

⁷⁹ Une naalimile pala mu buswigo. Une ndinkwinogona, “Linga ililopa lya Abraham Lincoln lyābagile ukusāngalusye—lyābagile ukusāngulūsyā untumwa, panongwa ya kusōsyāpo ikikoti kya butumwa ukufuma pa mwene, kyo kiliku i Lilopa lya Yeso Kristi libagile ukubōmba ku bāndu bo Rosella apa, uyu āli ntumwa ku bwakinwelwa; kwa une, ngufwa, umpelakisa umōnangike?” Umwēne āsōsisyēpo ikikoti kya butulwanongwa ukufuma pa ndumbula yāngu. Ngimba iki kikabagile ukusangulusya u mūndu? Ngimba ikiyēne kikabagile ukuntēndēka umwēne ukwipilika mbukīndāne? Ngimba ikiyēne kikabagile ukuntēndēka umwēne ukutīla akabalilo kāko umwēne ikwinogona isya ikiyēne? Ugwe ukabagila ukukēta mpiki kisita kwinanisya untu gwāko, kifuki, umenye ukuti Yeso ātabwīle ubūmi bwāko pa mpiki gula.

⁸⁰ Bo uswe tukukīndilīla, akabalilo, na batumwa, kangi ulwinogono lwitu. Bwālipo ubufumusye, Ubwabulo bwa Bufumusye, ubu bwa sainīgwe, kangi abatumwa bayaga pakuya bābuke pisiku lyakuti. Umwe mukamanya, o, linga ugwe ukaganamo siku na Kristi, ugwe ukumanyamo siku iki kikusanusya ku batumwa bala. Akabalilo kāko ikiyēne kyābūkīle, indumi ukukīnda mōsa nkīsu, ukuti, “Umwe mukuyaga bābūke ilisiku lyakuti-na-lyakuti, kubupānde ba lisuba. Umwe mwisakuyaga bābuke. Umwe mutisakufimbilisigwa ukufwāla ifipapa fya batumwa kāngi mma, kangi mutisakuyaga nukukomigwa kāngi mma. Loli umwe muli bābuke, kangi umwe muli benekaya ka uyu unkulumba United States. Umwe mukaya kangi mma ntumwa, ukufuma bupānde bwa lisuba pa lubunju lwakuti-lwakuti.” O, nukugūlīla ukukulumba abēne balinkugūlīla.

⁸¹ Linga untulwanongwa ābagile itolo ukukēta ikyo! Linga untulwanongwa ābagile itolo ukupilika i Nongwainunu iyabwanaloli! Komma ukwilūngisya ku kipanga, lōli ukulūmbilila kwa Nongwainunu, ukuti ugwe ubagile ukuya mwābūke ukufuma ku butulwanongwa, ukuti ugwe ubagile ukuya mwābūke ukufuma ku bubīne. “Pa kabalilo kamo kakuti-kakuti,” ako ko kabalilo ugwe kwitika.

⁸² Umwe mumenye, abatumwa bala baasangalwike fiyo kangi paasi pa kuguulila kula, ukuguulila isala iyi abeene bayaga pakuya baabuke, mpaka, abeene bikumbula une, ukuti abeene babuungene paasi pa kaamba, abamaama na baana abanini, bosa babuungene, kangi bamo ba beene bakaangale. Kangi abeene balinkufyuuka pamwanya pa kaamba, kifuki pakilo pakati. Abeene baamenye akabalilo kaako ilisiku likupaanda kangi ilisuba likwiisa mmwanya, ukuti abeene bikuyaga baabuke. Ikyeene kyaayaga pakweega sinda gwa miniti ukumulika ilisuba ukufuma pamwanya pa kaamba, looli bamo ba beene baali pamwanya pa kaamba, bikuketelela, bikuketelela. “O, akabalilo kaako ilisuba likupaanda, uswe twe

baabuke.” Yula aali yo m-w-a-n-u-n-d-u-m-i-a-n-a . . . pamo l-i-s-u-b-a.

⁸³ Looli akabalilo kaako u M-w-a-n-u-n-d-u-m-i-a-n-a ikufyuuka limo mwa masiku aga! Kangi akabalilo kaako u M-w-a-n-u-n-d-u-m-i-a-n-a kifuki ifyinja elifu na malongo lwele na limo ifi fikindile, Umweene alinkulatula ifipapa fyoosa ifya butumwa, Umweene alinkwabulila untumwa aligwesa ku bwaabuke, Umweene aabumbulwiisye ububine buliboosa, Umweene aapeele ubwaabuke ku bala baabo bali mminyololo. Muumo uswe tukuloondigwa ukufyuuka nukuketelela!

⁸⁴ Kangi akabalilo kaako ilisuba lilinkuteendela pamwanya, ikyaakwanda, unnyaambala aali pamwanya fiyo, alinkulibona ilyeene, kangi alinkulāta paasi ku nnyaambala ugwakukoonga, “Uswe tuli baabuke!” Kangi u nnyāmbala unkōnge alinkulāta ku nnyāmbala pabotalipo pāsi pa kām̄ba, “Uswe tuli bābuke!” Mpaka iyēne yafikaga ku bugonelo, “Uswe tuli bābūke!” Kabuno, ilisuba lyaafyuukaga, abeene baaguulilaga, baguulilaga, baguulilaga ku sala yila.

⁸⁵ Bo bwingipu bulinga uswe tubagile ukuguulila, umwiisiyugu, kulu u M-w-a-n-u-n-d-u-m-i-a-n-a gwa Kyaala. Uswe tuli baabuke ukufuma ku butulwanongwa. Uswe tuli baabuke ukufuma ku minyololo. Uswe tuli baabuke ukufuma ku tusumo. Uswe tuli baabuke ukufuma ku kukwesa, ukunwa, ukwendendeka na bakiikulu, panongwa yakuti u M-w-a-n-u-n-d-u-m-i-a-n-a gwa Kyaala afyuukile ukufuma ku lipumba kangi alatwiile imbingo syoosa. Ubutobesigwe boosa bukiindile! Ukumeleligwa kuhoombigwe. Ulufuundo luhooombigwe. Imbiibi sisukiigwe, kangi uswe tuli baabuke. O, uswe tuli baabuke, baandu! Butumwa? Bwaabuke, akabalilo kaako u M-w-a-n-u-n-d-u-m-i-a-n-a gwa Kyaala ikufyuuka nu bubumbulusyo mmapiko Gaako!

⁸⁶ Ilisikulimo Umwene isakusumukuga ukufuma ku Kikota, ukugomokelaga ku kisu. Kangi polelo uswe twisakuyaga baabuke ukufuma ku bubabe boosa kangi ingelo syoosa, baabuke ukufuma ku ukubaba koosa ukwa mbili na kilikyosa iki kikuboombigwa nu buumi bwakufwa, ukuya buumi nu Mweene akabalilo koosa. Uswe twisakuyaga baabuke. “Buuka, kababuule,” ikyo kyo kindu ukuboomba.

⁸⁷ Ntubalilo twa i Baangeli, kyaalipo ikiyinja kya lusekelo lwa yubilii kikwiisa. Abaandu aba baalyulisiigwe panongwa ya kumeleligwa uku abeene bameleleligwaga, abeene bameleligwaga ifyakumeleligwa kangi abeene baatoligwaga ukuhoomba ikyeene, popaapo abeene balinkubuuka nukwiigulisya beene ku baandu, ukuya batumwa. Kangi abeene bafimbilisigwaga ukuya batumwa baabo, abatumwa abapinyigwa baabo, ubuumi bwaabo boosa. Looli, akabalilo kalikosa kamo kingikingi, pala pisaangapo ilisiku lya ipyaana,

iki kyamanyigwaga ukuya kyiinja kya lusekelo lwa yubilii. Kangi akabalilo kaako ikyiinja kya yubilii kyaafikaga, polelo pala paabuukaga umpuuti panja nukukuba ingangabwiite. Kangi ingangabwiite yila yasanusyaga ku ntumwa aligwesa, kali ko kabalilo katali kaki umweene aaboombile kangi kali kwāsyeye akabalilo katali kaki akakuboomba, akabalilo kaako ingangabwiite yila yaakubile, untumwa yula aali mwaabuke. Umweene aabagiile ukutaaga ilikumbulu nukubuuka ku kaaya ku baana bake. Umweene akafimbilisigwaga ukuboomba kangi mma, panongwa yakuti umweene aali mwaabuke akabalilo kaako i yubilii yaakubile. Ingangabwiite yila yikaapeele nakamo akoogo akasitakusisimikisya, panongwa yakuti iyeene yaapaga akoogo akasisimikisigwe. Kangi unnyaambala yula aabagiile ukulambalika paasi ikyoombo kyaake, ukubuka ku kaaya mwaabuke ukufuma ku butumwa.

⁸⁸ Ulubunju ulu, ili Baangeli lyaayobile, “Kangi linga ingangabwiite yikupa akoogo akasitakusisimikisigwa, ywani isakumanya ikyakuboomba?” Linga i Bāngéli lilumbilile ukuti Yeso Kristi asyuukile ukufuma ku bafwe, Umwene yo yuyo mmayolo, umwisyugu, na bwilanabwila, kangi ingangabwiite isi uswe tukupilika sikukuba imwiisyugu sikuti, “Amasiku ga fiika gakindile, kukaya ni kindi kimo ukuya bo bubumbulusyo Bwamwakyala,” ywaani isakumanyaga muumo babagiile ukwitendekesya beene?

⁸⁹ Iki uswe tukufumbwa umwiisyugu kyo batumigwa abapakigwa ukufuma kwa Kyaala! “Umwene asyusigwe ku bafwe! Umwene yo yuyo mmayolo, umwisyugu, na bwilanabwila!” Iyo yo Ndumi ya lisiku ili.

⁹⁰ O, apa syālipo indumi nyiingi ingulumba, lōli Paasa akupilile isyeene syoosa! Indumi ingulumba; Paasa aali fyooosa fya ikyeene! Akabalilo kaako abafwe...batēdekiigwe ubwitēdekusye bwa ndugu gwabumalikisyo...Uswe twāli nu bubine bubumbulusigwe mu Lwītikāno Ulukulu. Uswe twāli ni fika fikubōmbigwa mu Lwītikāno Ulukulu. Syālīko imboniboni mu Lwītikāno Ulukulu. Lōli u nnyāmbala aligwesa ābūkile kulakula ku lipumba, ikuswiga ukuti linga umwene isakusyūkamo kangi. Lōli u lubunju lwa Paasa, akabalilo kaako abafuundigwa aba balyāmbilile i Ndumi ingulumba iyi ummūndu aligwesa ābagile ukwambililila, ngimba abene balyambilile fiki? “Būka, kababūle abafūndigwa Bāngu, Une nsyūkile ukufuma ku bafwe!” Ubufw buponjoligwe!

⁹¹ Akālipo siku nayumo pa kīsu, nayumo unsololi, nayumo unnyambala unkulumba, nayumo umūndu unkemesigwa ābagilēmo siku ukupōnjola...Abene bābagile ukupōnjola ububine nu Mbepo gwa Kyāla. Abene bābagile ukupōnjola akabalilo, nu Mbepo gwa Kyāla, nukukētela ngānila ifindu ifi fisa. Abene bābagile ukupōnjola ikyo. Lōlo nasiku ālīmo unnyāmbāla apakigwe nu bupakigwe bo ulu ukufuma

kwa Kyāla, uyu ābagīle ukuyoba ubuyobelo bo ubu, “Une ngulāmbalika u būmi Bwāngu, Une nisakubupimbāga ubwēne kāngi. Lepulania umbili ugu, Une nisakugusyūsyāga ugwēne pisiku lya butatu.” Akālimo siku unnyāmbāla ābagīle ukutēndēka ubuyobelo bo lula. Kangi ikyēne kyēmbēlāga mu ndumbula syābo, kali iki kyāyaga kyabwanaloli pamo mma.

⁹² Lōli pa lubunju lwa Paasa, abēne balinkuya ni Ndumi, “Būka umwe nkīsu kyōsa, kalūmbilile i Nongwainunu ku kipeligwe kilikyōsa. Une nsyusīgwe ukufuma ku bafwe. Keta, une nguyaga nanumwe bwila, pope nakubumalikisyo bwa kisu. Uyu ikwitika kangi ikosigwa isakupokigwaga, umwene uyu atikwitika isakutagigwaga. Kangi ifimanyilo ifi fisakukongaga abene aba bikwitika: Mu Ngamu Yangu abene bisakusosyaga imisetano; abene bisakuyobaga mu ndimi imbya; linga abene bikupimba imiyoka pamo ukunwa ifindu ifyakugoga, ikylene kitisa kubafulasyaga abene mma; linga abene bikubika amaboko gabo pa babine, abene bisakubumbulukaga.” *Indumi ya Paasa*, iyēne yo yimo mwa ndumu isyapwamwanya fiyo isi siliko. Ubufwe bwapōnjiligwe!

⁹³ Uswe tukwīnogona isya mponjoli. Napoleon, pa bukusi bwa malongo matatu na fitatu, āponjwīle ikīsu. Umwēne āponjwīle ikīsu, umwēne ākomīle ikikolo kilikyōsa iki kyābagīle ukukomigwa. Kangi umwēne āli āsulumenie fiyo panongwa yakuti akālīko nayumo uyungi ugwakulwa, umwēne alinkwitugasya pāsī nukukūta. Akālīko nayumo uyungu ukulwāna, lōli umwēne ākinile indagilo sya lukino kusita kuya pakati. Amalongo ga maelifu ga balogwe gākōngāga ababwīte bāke, umwēne ābūkīle ni ndusu kangī ni lūbo. Pa bukusi bwa malongo matatu-na fitatu, umwene aaponjwile ikisu. Lōli umwēne akabalilo kāmo ali ntuli gwa benga-bwalwa, kangī umwēne āfwīle kinwelwa kubumalikisyo, panongwa yakuti umwēne ākināga indagilo sya lukino kisita kuya pakati. Umwēne ālibwībwe i ndumu. Umwēne āpōnjwīle, lōli umwēne ālibwībwe i ndumi. Umwēne ābūkīle, lōli umwēne ālibwībwe iki umwēne ābukilaga.

⁹⁴ Bo undumiana unnini uyu ābopaga mbupope, bo ikipanga kikubopa umwīsyūgu, bo ba bāndu aba bikubopa, bo kikīsu kikubopa! Mbuponelo bwītu bukaya mipufililo gya atomiki mma, mbuponelo bwītu yo Yeso Kristi nu busyūke Bwāke.

⁹⁵ Napoleon ālibwībwe ikindu ikinywāmu. Ngimba fiki fyābonike ku mwēne? Umwēne alinkufwa mponjolīgwe kubumalikisyo, u kinwelwa. Nongwa ya fiki? Umwēne akākinile ulukino kanunu, palema nalinga umwēne āponjwīle ikīsu, ukuboneka na māso. Umwēne ātendekīsyā ababwīte. Umwēne āli yo gwabwīte gwāmahala, umwēne ālyēgīle ikikolo kyōsa nukubōmba ifīndu fyōsa (ifi umwēne) ifi unnyāmbāla nayuma ābagīle ukubōmbāmo siku, pamo ābombilēmo siku naloli, bo umwēne, lōli umwēne ālibwībwe iki indumi yanaloliloli yāli.

Umwēne ākyēgīle icyēne, kangī alinkukaba amaka gabwīte, lōli umwēne ālibwībwe a maka ga Ntwa.

⁹⁶ A maka ga Ntwa go lubatamisyo lwītu. Uswe tukaya na maka agāngi kāngi mma. Ubopenelo nabumo ubungi une ndinabo, nabumo! Kyāla ayēge nī kisa! Ega ubūmi bwāngu, lōli ndingisa kwībwamo siku kūko a maka gāngi gikufumila. Agēne gikufumila kwa Ntwa! Une ndikulōnda ifindu ifinunu ifya nkīsu. Une ngulōnda Yeso, une ngulonda ubusyūke Bwāke bukupa mbūmi bwāngu.

⁹⁷ Mūmo kila kyāli kikīndāne ukufuma kwa Yeso Kristi pa malongo-matatu-na-fitatu! Pa bukusi bwa malongo-matatu-na-fitatu, Yeso ākabīle kilikyosa; Umwēne āpelīle i kīsu. Kangī Umwene aali nkisu, kangī ikisu kilinkusita ukummanya Umwene umma. Umwēne akalitēndikémo Mwēne ukuya mfumuke mma. Umwēne akābungeniémō siku unyāmbala gwa bwīte. Umwēne akapangeniémō siku ikipānga kilikyōsa. Umwēne akātēndikémo siku ingamu ingulumba kwa yu Mwēne. Umwēne akālisilémō siku panja nukwītūfyā kulikōsa kwa ma digrii ga kumanyisyo, na fyosa bo ifyo, nasiku āli nukuyobigwāmo kwa Umwēne ukubūkāmo ku sukulu yiliyōsa ya bufundakyāla. Lōli Umwēne āli na Kyāla. Umwēne āli na Kyāla. Kangī pa bukusi bwa malongo-matatu-na-fitatu, Umwēnw āponjwīle u mōhési aligwesa uyu āsōsisye untu gwāke panja pa gahena. Umwēne āponjwīle ububīne. Umwēne āponjwīle inyiho. Umwēne āponjwīle imsyētano. Umwēne āponjwīle ubufwe. Kangī akabalilo kāko Umwēne āfwīle pa kipingika, Umwēne āsulukīle ku mibwīna imisitapāsi nukupōnjōla u gahena.

⁹⁸ Kangī pa lubunju lwa Paasa Umwēne āponjwīle ilipūmba. Nongwa ya fiki? Umwēne ākinīle indagilo sya lukino nubutalusi, ukubōpa ni Ndumi. Umwene aali, Umwene ābukile! “Bukaga.” Kyala alintumile Umwēne, kangī Umwene ali ni Ndumi ukubabūla abēne. Kangī ni Ndumi iyi Kyala ālimpēle Umwene, Umwene aaponjwile amaka ga Sētāno. Umwene aaponjwile ububine. Umwene aaponjwile ubufwe. Umwene aaponjwile gehena. Umwene aaponjwile ilipumba. Fiki? Umwene abukile! “Būkāga, kababūle!” “Une akabalilo kosa ngubomba kila ikyo Tata Gwangu ikunāngisya Une ukubomba. Une ndikubōmba nakimo loli iki Umwene ikumbula Une ukubomba.”

⁹⁹ Polelo bo Umwēne akāli ukufwa, Umwēne āyobīle iki, “Na mūmo u Tāta āndumīle Une, mōmumo Une ngubatuma umwe.” Komma ukuyēnga abanyāmbāla ukwisila mmaka ga babwīte; komma ukubīka akabalilo kāko kōsa mwa ywāni ikuyaga Pulezidenti. Ikyo kibagīla ukuya kyakulōndīgwa, lōli icyēne kikaya kyākulōndīgwa mu *Iki*. Ikīsu kikīndīle. Uswe tuli ni Ndumi yimoyene, iyi yo, Yeso Kristi asyusisye ku bafwe, kangī Umwene yo yuyo mmayolo, umwisyugu, na bwilanabwila.

¹⁰⁰ Mmayolo, nkyumba akanini akakulongela inongwa, abēne bāgelága ukumbela une njobe ikindukimo iki kikāli kitalusye. Une ndinkuti, “Une ngaya nniōngáfu mma.” Une ndinkuti, “Une ne—une ne gwabwanalolindumbula. Kangi ugwe ukabagila ukuyobapo akangi umma lōli ako ko bwanalōli.”

¹⁰¹ Kangi unnyāmbála yumo āli na une, alinkuti, “Linga unnyāmbala ābagile ukuyoba kwa une bo ulo, une ngulondaga ukusopa i būku kwa umwēne.”

¹⁰² Une ndinkuti, “Umma, nkulumba. Umma, uko ko kukaya kutalusya. Iyo yikaya njila iyākwilaga ku ikyene. Kikaya kutalusya.”

¹⁰³ Umwēne alinkuti, “Mulimosa, nongwa ya fiki ugwe utikumanya ifindu ifi fikubōmbigwa? Nongwa ya fiki ugwe ukuya panja pala ukubōmba iki?”

Une ndinkuti, “Une ngulonda ukusisya Yeso Kristi.”

¹⁰⁴ O Kyāla, o, abāndu bafwamaso kangi bakabagila ukukibone ikyēne! “Bo mūmo Tāta āndumile Une,” u Tāta ālintumile Umwēne, Umwēne ābūkile. Umwēne āli ni Ndumi ukubabūla abāndu. Kangi mu sala sya bufwe, Umwene aaponjwile ubufwe kangi Umwene aaponjwile gehena, kangi Umwene aaponjwile ilipumba. “Bo Tata alindumile Une ni Ndumi, Une ngubatuma umwe ni Ndumi; komma ukuyēnga ifipānga, ifipānganio, lōli būka umwe nkīsu kyōsa nukunāngīsyā a Maka ga Mbepo Mwikemo. Ifika ifi fisakukongaga abene aba bikwitika; mu Ngamu Yangu abene bisakusatisyaga imisyetano, bisakuyobaga ni ndimi imbya, nukupīmba imiyoka.” Kangi bo imibili gyītu gikubūka ku lipumba, bo mūmo u Gwāke gwābōmbīle, Umwene aaponjwile fyosa ubufwe, u gehena, kangi ilipumba. Umwene yo Mponjoli gwamaka.

¹⁰⁵ Umwene ikututuma uswe ni Ndumi Yake. Unko uswe tubūkége ni Ndumi, būkaga na kandu kamo akakubūla. “Būka, kababūle!” Komma ukubopa kangi polelo ukutoligwa ukuyoba, unko uswe ikyākwānda tukaba Iyēne mu ndumbula syītu twībēne.

¹⁰⁶ Akabalilo ugwe kwiisa kuno ukwiiputiligwa, ulubunju ulu, komma ukwiisa munjila ya mulimosa mma. Isaga ni Ndumi mu ndumbula yako, “Une ne Umweene uyu aafwile, kangi ndimuumi kangi. Une ne Yone uyu aapeele i Ndumi iyi, Ifimanyilo ifi fisakukongaga abene aba bikwitika.” Linga Kyaala Mwenemaka aabagiile ukweega u—u mwanike unnini unsyumbutuka-fisige nukwandusya ukukeeta kwaake ukugomokela ku bununu; Kyaala aabagiile ukweega umwaana, u mwaana undumiana apaapiigwe, akaaketileemo siku mbuumi bwaake, kangi nkusi ifyiinja kalongo na fihano na kimo, ukupyaanikisya ukukeeta ukugomokela kwa umweene; Kyaala abagiile ukweega umpelakisa yumo umundu uyu alyeekiigwe na kansa . . .

107 Kangi panongwa yakuti i Ndumi ndalusye, panongwa yakuti Kyaala aatumiile i Ndumi, panongwa yakuti Kyaala aatumile i ntumigwa, kisita kwilamwa ukuti indusu yiliyoosa ya gahena yisakutusulilaga ku mweene. Uko ko kutalusya, umwēne isakwitabaniaga nu kugwa, kangi ukusumuka mmwanya nu kuyugānia untu gwāke, nukukindilila. Uswe tuli ni Ndumi, nakimo kisakwimika Iyene! Haleluya! “Pamwanya pa libwe ili Une nisakuyeenga I Kipanga Kyaangu, kangi ifipata fya gahena fitisakuponjolaga Iyene mma.” Abēne babagile ukuyoba iki abēne bikulōnda, ukubōmba iki abēne bikulōnda, u mōhési abagile ukubuna nukukoloma. Lōli Yeso āsyūkile ukufuma ku bafwe, Umwēne mūmi umwīsyūgu mwa uswe!

108 Amasiku manini aga gakindilepo, nguyoba kwa unkulumba Dokotala Lamsa, uyu āsanwīsyē i Bāngēli ukufuma ku Aramaic, ukubūka ku Kingereza. Kangi une nākabwēne akamanyilo akanini kala, akamanyilo ka Kyāla pa mwanya pala, nututononde tutatu mu lyēne. Une ndikuti, “Dokotala Lamsa, ngimba fyo fiki ikyo?”

Umwēne alinkuti, “Umwēne yo Kyāla, ni fyakumbagilila fitatu.”

109 Kangi une ndinkuti, “Ugwe kusanusya, Kyāla ikwitūgāsyā mbubomembela mbombo mutatu, bo yu, Tāta, Mwanundumiana, na Mbepo Mwikemo?”

110 Umwēne alinkusumuka nukungēta une, amasosi gikusulula mfisige ifya kiYuda, umwēne alinkuti, “Ngimba ugwe kwitika ikyo, Nkundwe Branham?”

Une ndinkuti, “Na fyōsa ifi fili mu ndumbula yangu.”

111 Umwēne alinkusopa ingōngi syāke ukusyungutila une, kangi alinkuti, “Une nāswigaga akabalilo kāko une nafibwēne ifindu ifikulumba fikusōka panja, kangi ifimanyilo ifi ugwe gwābōmbāga.” Alinkuyoba ukuti, “Abēne bālimbulile ugwe gwāli nsololi. Une ngālitike ikyēne mma, mpaka lilino. Lilino une mmenye ugwe guli.” Umwēne alinkuti, “Ikyo kyo kyēne! Iyo yo Ndumi. Ikyo kyo kindu iki kisakuyugānia i Kitangala kya Kyāla.” Ena. Umwēne alinkuti, “Ilisiku limo ugwe kwisakufwa panongwa ya ikyēne, ndumiana.” Alinkuti, “Ugwe kwisakufunga ubukēti bwāko ni kindu kila kilakila.”

112 Yumo mwa banyāmbāla abakulumba aba uswe tuli nabo, akabalilo kāko Eisenhower na banyāmbāla abakulumba aba kīsu, Hollywood, uluko lōsa lwa ndondwa sya mafilimu na filifyōsa bikukōlela panongwa ya umwēne, lōli āsyéle palapala pala ndukomano. Umwēne alinkuti, “Une negile ifyinja malongo matatu na fyākongelapo, ukutēndēka ubusanusi ubu, komma ukufuma ku Vatican Greek, lōli ukufuma ku Aramaic; kulakula ukutalula ukufuma kula, ukufuma ku Aramaic, ukwisa nKingereza.” Kangi umwēne alinkuti, “Une ndagaile akabalilo kōsa kala,” umwēne alinkuti, “Une nīngile itolo mbuyo kūko

une ngukêta u Kyāla gwa i Bāngéle ikwēnda.” Umwēne alinkuti, “Ugwe umenye, Nkundwe Branham, uswe tubagile ukukêta ifimanyila nifiswīgo, lōli uswe tukukētésya iki i Lisyu lwa kimanyilo lili nakyō. Uswe twe baYuda, uswe tukukêta ikimanyilo, lōli uswe tukukētésya i Lisyu lya kimanyilo.”

¹¹³ O, haleluya! I Lisyu lya kimanyilo! Kyāla ālimbūlile Mōse, “Linga abēne batisakupilika i Lisyu, i Lisyu lya kimanyilo ikyākwānda, polelo abēne bisakupilika i Lisyu lya kimanyilo kyākibili.” Komma fiyofiyo ikimanyilo, lōli i Lisyu lyābūkile ni kyēne.

¹¹⁴ Muketile, uNjuda yula, umwēne āmenye iki umwēne ayobelaga ngapo. Umwe alinkuti, “Une ngetile isya kumanyila ngāni, une mfibwēne ifimanyilo, ni fiswīgo, abafwamaso bikutēndekigwa ukuya kanunu, kangi uluko lōsa lwa fimanyilo ifikīndane, lōli une naswīgāga, lōli lilino une ngukêta i Lisyu kunyuma ku kyēne kitisa kutumulania Kyāla mfiyabo fitatu, nukuyoba, ‘Umwēne yo Kyāla yumoywēne, u Tāta, kangi unkōnge, u Mwanundumiana,...’ Umwēne ikuti, ‘Kyāla yo Kyāla: ifyakubagilila fitatu ifya Kyāla; ifyakubombelamo fitatu ifya Kyāla.’” Alinkuti, “Ikyo kikususimikisya ikyēne.”

¹¹⁵ O, nkundwe, uswe tuli ni Ndumi! “Būka, kababūle abafundigwa Bāngu! Une ngāli *yula* uyu āfwīle, kangi *uyungi* yula uyu ali kifuki ukufwa, kangi *uyungi* yula uyu yo mūmi. Une ne Umwēne uyu Āli, uyu Aliko, kangi Uyu Ikwisaga; u Nsisi nu Luyungu lwa Davidi; u Lutondwa Ulumulike kangi Lwakulubunju.” Ena!

¹¹⁶ Kyo kinunu nki ikyēne kikubōmba ukubūka, kikubōmba ukubūka, linga ugwe ukuya nakyo ikindukimo ikyakuyoba? Uyēge nakyo ikindukimo ikyakubūla, uko ko kutalusya: “Yeso Kristi, u Mwanundumiana gwa Kyala, ikubagana umwe mwesa. Umwene aafwile panongwa ya umwe. Ngana Yeso Kristi u Mwanundumiana gwa Kyala.”

¹¹⁷ Balinga aba baalimo siku mu ngomano, nukukeeta ifimanyilo ni fiswiigo ifikulumba ifya Bwaake—ifya Bwaake ububonekelo, ifya muumo umweene ikumanyila ngaanila nukunaangisya, ni findu? Uyo yo Kyaala gwa ku Mwaanya, Uyu aasyuukile ukufuma ku bafwe.

¹¹⁸ Umwe mukufiimbilisigwa ukukeeta ikimanyilo kya kiHiburi kya Ikyene. Ikyeene kyo Bweelu, bo i Mbaanda ya Moto, kangi nkati mula tulimo utung’wale tutatu, Taata, Mwanundumiana, na Mbepo Mwikemo, iki kikaali baandu batatu. Ikyeene kyaali Kyaala ikwitugasya mbubombela-mbombo mutatu. U Kyaala yulayula! Haleluya! Kyaala pamwanya pa ugwe, Kyaala na ugwe, Kyaala mwa ugwe. Yu Yulayula ukwiyuufya Mweene, ikupyaagila i Kipanga Kyaake, ukuti Umweene abagiile ukwitugasya. Akabalilo kaako ugwe kuntumulania Umweene ntuyabo tutatu, nukubiika kamo panja *apa*, nakaangi ukukilania

apa, kamo *pala*, ikyeene bwiputa-fifwaani bo muumo ikyeene kibagiile ukuya.

119 Une ngwitika ubusyūke bwa Yeso Kristi, asyusigwe ku bafwe. Kangi Umwēne āli yo Nnyāmbāla mwēne uyu ābagīle ukuyoba kila, “Amaka gōsa ku Mwānya na pa kīsu gapegīgwe nkiboko Kyāngu. Gosa amaka ga ku Mwanya na pa kīsu gapēgīgwe nkiboko Kyāngu. Bukaga umwe nkisu kyosa, nukufumusya i Nongwainunu ku kipeligwa kilikyosa.” I Nongwainunu yikālisile mu lisyu lyēne mma, lōli ukwisila mu maka nu kubonekesya kwa Mbepo Mwikemo. Kyāla akutūle ugwe ukwitika ikyo, Kyāla āndule une ukwitika ikyo, kangi uswe twisakumbona Yeso ilisiku limo.

Akabalilo kāko insukuliko sya būmi simalike,
uswe twisakumbona Yeso ku bumalikisyo;
Pa Kikokta Kyāke ikimogi Umwe
isakunyambililaga une ku Kāya,
Ukufuma pāpo ilisiku likīndīle. (Isyo
kutalusya.)

Imisānga gyōgīle na misi mmakato ga njayo
Isya Nhesya ukufuma kukiloboko kya Galilai.

120 Abene baalingogile Umwene panongwa yakuti Umwene itendekaga Mwene ukuya Kyala, kangi Umwene āli Kyala. Abēne balinkunkomelela Umwēne, panongwa, Umwēne āfwīle pāsi pa lufūndo lwakubukulumba. Iyo yo nongwa une ndikwitika mu lufundo lwakubukulumba. Yeso āfwīle pāsi pa—pa lufūndo lwa lufūndo lwakubukulumba ukufuma ku sikali ya bulagili bwa Roma. Ulufūndo lwa kubukulumba, bwāli, ukupayikigwa pa kipīngīka. Umwēne āfwīle pāsi pa lufūndo lwakubukulumba, ukufūlīgwa imyēnda Gyāke gyōsa ukufuma pa Mwēne, nukupayikīgwa pala, uknjwēlūla Umwēne, kangi Umwēne āfwīle nkayīlo kala. Lōli Kyāla alinkunsyūsya Umwēne pisiku lyabutatu!

121 Kangi uswe tuli bakēti Bāke. Kangi linga uswe tutikumwimila Umwēne, ngimba ywāni isakummwimila Umwēne?

122 U nnyāmbāla alyāgéne na une ilisiku limo, alinkuti, “O, Nkundwe Branham, komma ukumbula une. Ugwe leka ukubula. Ugwe—ugwe kufulasya ubwipilike bwa bakīkulu, isya bēne ukuya ni nywīli indumule, kangi ukufwana na bene ikubomba *iki* nukubōmba *kila*, na fyōsa bo ifyo.”

123 Une ndinkuti, “Linga une ndikubabūla abēne, ngimba ywāni isakubabūlāga abēne? Ngimba ywāni isakubūlāga ikyēne?”

Ikuyoba, “Mulimosā, ugwe kubatēndēka bala abalūmbilili ukukalala.”

124 Une kinunupo ngakalala umma, ukukinda une ngalele na Umwene. Ikyene kyo Bwanaloli. Isyo kutalusya! [Ubuyo

busitakandu pa tepi—Nsimbi.] Palapala. Ngimba ywani ikukwimilaga ikyene? Umunduyumo ikufimbilisigwa ukumbula ikyene.

¹²⁵ Yeso alinkuti, “Būka, kababūle. Būka kangi kababūle, kababūle abafūndigwa Bāngu ukuti Une nsyūkilē ukufuma ku bafwe. [Ubuyo ubusitakandu pa tepi—Nsimbi.] Keta, Une ndi nanumwe bwila, pope nakubumalikisyo bwa kisu.”

¹²⁶ Ngimba umwe mukwitika ikyo, binangu?

Unko uswe twipute, akabalilo kako uswe twikwīnamisya imitu gytu ku lwīpūto.

¹²⁷ O Tāta Kyāla! Nalololili, “Būka, kababūle. Būka, kababūle abafūndigwa Bāngu ukuti Une nsyūkilē ku bafwe.” Kangi Tāta Kyāla, ukababūle itolo Ugwe abafūndigwa Bāko, lōli Ugwe gwāsīsīmikisye ku bēne Ugwe gwāsyūsīgwe ku bafwe. Ugwe gwālīnāmgīsye Gwimwēne na bēne, nukubōmba itolo katikati mūmo Ugwe gwābōmbīle bo ukālī Ugwe ukufwa. Ifyinja elifu yumo na bamia bahano na bana fisile nukubūka, Ntwa, i Ndumi yikālī yikwāka. Iyēne yo itolo mmulike kangi mbyāno mu ndumbula syītu umwīsyūgu mūmo ukwēne kwāyīlīle abafūndigwa bala, kabuno uswe tukuketa u Ntwa unsyuke papapa pakati pa uswe, ikubōmba ifindu filafila ifi Umwene ābōmbīle. Uswe tumenye ukuti Umwene afyusisye ukufuma ku bafwe.

¹²⁸ Pāsa ikusanusya fīngi kwa uswe, panongwa yakuti uswe twīlūngīsye mula kangi tukwīkyēla ubululanisi bwa busyūke Bwāke. Kabuno uswe twālī akabalilo kamo bafwe ku butulwanongwa ni ngilanio, bo yu mwānundumiana unsobi, lōli lilino uswe tulyāgīle ilipyana, kangi Kyāla atuswīle uswe isya mbībi syītu. Umwēne atupele uswe i Fungilo, bo mūno Umwēne ābōmbīle kwa Tāta Abraham, ukusīsīmikisya ukuti Umwēne atwitikisye uswe. Tata Abraham āyobīle umwene ālitīke Kyāla, lōli Umwēne alinkumpa umwēne ikifungilo kya bubūtīgwe ukuya kisisīmikisyo ukuti umwēne alimmwetike Umwēne. Kangi, lilino, Tāta, umwīsyūgu uswe tubūtīgwe na Mbepo Mwikemo, fyōsa ifindu fya nkīsu fikīndile. Uswe tuli nu kifumbililwe kimokyēne: ukukubōmbēla Ugwe. Uswe tuli ni kinyonywo kimokyēne: ukukugana Ugwe, ukuya mfundigwa Gwāko.

¹²⁹ Kangi lilino, Ntwa, une ngusuma ukuti Ugwe kwisakusīsīmikisya aka ndumi akonyokekonyoke aka ku ndumbula yiliyoosa. Unko abeene balingapondwaga iyeene. Unko abeene baketege ukuti Ugwe gwe yuuyo mmayolo, umwīsyūgu, na bwilanabwila, ukuti Ugwe guli apa, usyuusiigwe ku bafwe, kangi kwisakuyaga mpaka u—u Mbepo nu mbili fikubuangana palikimo kangi ku Bwise Bwakibili.

¹³⁰ Une ngwiputa ukuti umbine apa, Tata, ulubunju ulu. Une ndinafyo lilino, pa lubunju lwa Paasa ulu, filambalikigwe

palubafu (pamo, komma ukulambalikigwa kulubafu, looli itolo ukulambalikigwa taasi pa kabalilo ka kabalilo) ifyaabupe ifi Ugwe umbeele une, bo kukumanyila-ngaani. I kiisu, une nje nkuya nkusoka nukugomokela ukukilania ifiisu, Ntwa, abeene boosa bamenye ikyeene. Lilino une ngusuma, ukuti, i Ndumi iyi Ugwe gwaalimbele une apa mmatengele, ukuti, amasiku manandi aga gakindile, iyi, pa maka gabupeli gala aga giitugesye nkipanga iki ulubunju ulu, ba baandu balabala aba ageene gapeleliigwe pa beene, une ngusuma, Kyaala bo une ngwisaku ukwala amaboko gaangu pa Babine ulubunju ulu, na bakundwe bangu apa, ukuti Ugwe kugwilaga pa kipanga iki ulubunjulu ulu, ni kisa, kangu ukuti Ugwe kwisakubumbulusyaga abaandu, ukuti patisakuyaangapo na yumo umundu umonjwa pakati piitu akabalilo kaako ulukomano lumalike. Bosa ba abeene baliyaga basayigwa kangu ukubumbulusigwa.

¹³¹ Uswe tukusyaagania, Ntwa, ikyeene kikaya nakimo uswe twaabagiile ukuboomba twiibeene ukufikapo. Ikyeene kyo kipepe lwiitiko ulufwane-lwa-mwana, ukwitika. Uswe tubagiile ukukeeta abafundigwa ukufuma paapo abeene baapeegigwe amaka ukubumbulusya ababine, abeene basookile panja kangu balinkuponjoligwa pa mbine gwa fisilisili; ukuyweega nukukuuta, lumo, kangu nukunyelanyela, nukugela ukumpela u moohesi yula ukusooka. Loli akabalilo kako umwene aalyagene na Yeso, o, mumo kwaayiilile ukukindana! Umwene aayobile, “Ugwe mbepo mbibi, sookaga ukufuma ku mwene.” Ko kundana kuki! O, umweene aamenye ukuti Yula akaali ntumigwa mma. Yula aali yo Ntwa Mweene. Kangu I mbepo yilinkuswanulania undumiana nukunsopela umweene pa mfu. Looli Yeso alinkuti, “Umwene akaya mfwano mma. Mpimba itolo umweene nukumpa umweene kamo akaakulya.” Imbepo inyaali yaasookile.

¹³² O, Yeso, Ugwe Mwanundumiana gwa Kyala, isaga kangu, pakaga i Kipanga Kyaako kisitakuhoomba, nubwisusye, namaka. U Mbepo gwa gwabuuni unyusigwe Yeso alisyusyaga akapanga akanini aka ulubunju ulu ukubuka ndwiitiko ulupya, maka, maka gwa lwiitiko, ukuti uswe tubagiile ukubiika umoobeli aligwesa ku soni. Tupaga ikyeene, Ntwa. Ukubiika boosa abaandu aba kwa Ugwe, ukusuuma ukuti Ugwe kubasayaga abeene nukubapa abeene ubupoki ku myoyo gyaabo, ulubumbulusyo ku mibili gyabo, ukwisila mwa Yeso Kristi Ntwa gwiitu.

¹³³ Kangu ni mitu gyiitu ginamisigwe, une ngulaalusyaga ililaalusyo. Ngimba alipo yumo apa uyu akaya Nkristi, ikuloonda ukukumbukiligwa lilino, nukuyoba, “Nyipuutila une, Nkundwe Branham”? Kyala akusaye ugwe apo. Yumo uyungi, “Une ngaya Nkristi mma. Une mbiliike inongwa ukuti Yeso aasyuukile ku bafwe, looli naloliloli une ngamanya ikyeene. Umweene akasyuukilemo siku mu ndumbula yaangu. Une

ngaya nu bwikutisigwa nabumo. Une ndi mbine, kangi. Une ngubuukaga ukwendela ulukiindi lwa lwiiputo, ukugomokela nukukindilila mu luungi ukugomokela nukubuuka ukukinda mu lumu ulungi. Une ngubuukaga ukufuma ku kipanga ukubuuka kukipanga, kangi kubuyo ukubuuka ku buyo.” Ikyo kikya ikyeene mma. Ikyeene kyo kwitika Umweene. Umweene aasyuukile ukufuma ku bafwe. Ikyo kyo kimasya ikyeene. Yumo uyungi abagiile ukufyusya ikiboko kyaako? Kuyoba . . . Kyala akusaye ugwe. Kyala akusaye ugwe. Umunduyumo uyungi, “Une ngulonda ukwitika. Une ngulonda ukwitika”?

¹³⁴ Ngimba balinga aba babine apa? Fyusya ikiboko kyako, yoba, “Une ngulonda ukwitika. Une ngulonda ukumanya i Ndumi ulubunju ulu.” Kyala akusaye ugwe. Ikyo kyo kinunu. Ena, Kyala akusaye ugwe, mwanangu undumiana. Kanunu. Fyosa filikanunu.

¹³⁵ Lilino, Teddy, une ngulonda ugwe ukukuba, “*Unganga Unkulumba*,” itolo iminiti, linga ugwe ubagiile, “lilino ali kifuki.” Kangi akabalilo kako ugwe kubomba ikyo . . .

¹³⁶ Ikyo kyo kikafu lululu lilino. Imboniboni sikwiguka moosa nkiyumba, muketile. Ena, une ngugela, une naagelaga ukubuleka ubu buyege busyuuke, bwapamwapo panini, pamwanyapo panini ukufuma pa—ukufuma pa kilundiko kya lyooto iki une niikelepo. Une ngulonda ubusetuli ubwakongelelapo panini. Une mmenye ikindu kimokyène: Akabalilo kōsa une ngumilisa ku butumigwe ubwakwanda bula, ubwakibili butisakwisa mma, ubwène bukālisile mma. Lilino akabalilo kosa aka une ngūmīlīsa ku bwakibili, ubwakitatu butisakwisa mma, muketile. Une ngufimbilisigwa ukusōkamo palapala panja, ukusōka panja nukwitika ikyène, “Kyāla āyobīle lūlo!” Amasiku manandi aga gakindilepo . . .

¹³⁷ Lilino umwe ubagiile ukufyusya imitu gyīnu lilino linga umwe mukulōnda. Une ngāgile amaboko gīnu; Kyāla agagile agēne.

¹³⁸ Une ngulonda ukukubula ugwe ikindukimo ikinini. Nkundwe Ed Daulton, une ngusubila umwēne isile itolo nkifigo, unnunu unkundwe gwa kiBaptisti, umwēne nu nkasi. Nkundwe Jeffries ali ap pabuyo bumo. Othel Jeffries. Kangi umwēne ali apa, une mmenye umwēne yo ali apa pabuyo bumo. Lōli, abakūndwe aba bālīndēdekile ulukomano une ukubūku ku, pāsi mu Kentucky. Bakundwe, bakundwe bapala, balugano ni mbalamanio syābo na bāndu bābo. Abēne bali na ma oditoriamu ni miyumba gya fyabwīte ni findu, itolo ku lukomano lwa nkilo lumolwēne, abēne balyāsīme ikyumba kya fyābwīte. Unnini J. T. Hoover, kilikyosa iki ifyāke . . . L. G. Hoover ātēndike lumu pāsi mu Elizabethtown. Kangi Nkundwe Ed Daulton ukukilania kula ku Willow Shade pamo—pamo Somerset, Somerset. Kangi nkundwe, unkundwe uyungi āli pāsi ukusyungutula Glasgow,

kūko une napāpiligwéko. Abāndu mula kūko une napāpiligweko nukukusigwáko, kūko u Gwāndúmi gwa Ntwa abonekíle akākwánda kwa une.

¹³⁹ Kangi une nālondága ukugomokela. Lōli une ndinkwipilika ukusugusígwa kunini. Kangi une ndinkuti, “Mulimosa, panongwa ya bakúndwe, une ngubíkága ulukomano lula.” Nakalinga itolo une bo ngufika ndusúngo ulu, ummilo gwāngu gulinkwígala mōsa kangi une ndinkusita kuyoba ku masiku lwēle na limo, mpaka ingomano sila silinkukīnda.

¹⁴⁰ Nkundwe Ruddell, umwēne abagíle ukuya apa ulubunju ulu, yópe, yumo mwa bakundwe ukufuma nkipanga iki, umwēne nu Junie Jackson na bala, une nābagíle ukuya nu lukomano kuli umwēne. Kangi nakalinga itolo, ummilo gulinkwígala mōsa itolo. Kangi ikīndu kyákwanda umwe mumenye, une ndinkuya ni sekema iya kifuki mia yumo na mahano. Kangi une nābūkaga ku lukomano, ikyákwánda, kangi—kangi Dokotala Schoen alinkuyóba kwa une. . . . Une ndinkuti, “Ummilo gwāngi gwālíle.”

¹⁴¹ Umwēne alinkuti, “Une ngukupaga ugwe ikindukimo ukwābula ikisokomilo fila, kangi ugwe kindililága nukulūmbilíla.” Kangi une ndikunwa ikindukimo ikingi umwēne ālimbéle une, kangi, iki ikyēne kyāli, ikyēne kilinkukwābila amapungo ga sainasi pási nukugwala ikyēne. Polelo une ndinkulāmbalala nkitala ku masiku lwele na limo, itolo ni sekema imbyano.

¹⁴² Bingi ba bakundwe bāngu apa bālisíle kwa une, bingi abakundwe abafumuke bisile ukunyīputila une. Apa ikwīsa Nkundwe Graham Snelling, apa ikwīsa Nkundwe Ruddell, bōsa abakundwe aba apa, bōsa balinkwibūngania mula, bikwīpúta na kilikyōsa ikingi. Une ngwīpúta, ukugela akanunu kangu fiyo, ndinkutoligwa itolo nukuheha. Une ndinkuswīga, “Ngimba ikyēne kyo kyosa kyofiki?” Unkasi gwāngu unnini itugesye pala, umwēne na bēne bikunyīpútila une, itolo kilinkumilísya ukuya mulamula. Abēne balinkusita kupilikísya.

¹⁴³ Lilino, umwēne alinkumba une unkota gumo ukunwa, lōli ngānwíle ugwēne mma, panongwa yakuti ugwēne gwāli gwakugālisya. Kangi polelo une ndikuguleka itolo ugwēne. Kangi une ndinkūmilísya ukwinogona, “Ntwa, naloliloli!”

¹⁴⁴ Kangi polelo, ukufuma pāpo ngomano ingomano syāmalike, pa Kilēmbélo (lula lwāli, u lukomano lwabumalikísyo, lwābagíle ukuya pa Mpyāgílo), kangi polelo (une ngwitika), kangi polelo, pa Kilēmbélo une nāgelíle ukusumukila mmwanya. Une nāli mōnywa fiyo, une ndinkutoligwa ukubūka ukukīnda ikyūmba. Une ndinkwitugasya pási.

¹⁴⁵ Umwe mumenye, une ndi gwakupalísya panongwa ya nkasi umpégwa-na-Kyāla. Bule umwe, bakundwe? Unkasi ugwanaloliloli, umwinako ugwanaloliloli!

146 Une ndikwītūgāsya pāsi. Une ndinkuyugānia ikiboko ku mwēne, kangī ndikuntwala umwēne kubwa kuno kifuki kwa une. Kangi une ndinkuti, “Meda, utubalilo tumo une nguswiga,” Une ndinkuti, “Une nguswiga, iki kitamīsye kyo fiki.” Une ndinkuti, “Nongwa yafiki ingomano sila siliko, kangī Kyāla andekile une ngulāmbalala bo ulu?” Une ndinkuti, “Nongwa ya fiki kyāli ikyēne?” Kangi une ndinkuti, “Utubalilo tumo, une nguswiga linga Umwene angōlile nukungōléla une.”

147 Umwene alinkuti, “Ngimba utikuya gwasoni gwīmwéne?” Muketile? Kangi umwene aalimbulile une, alinkuti, “Bill, nsimenye ukuti Kyala amenye isi Umwene ikubombaga na ugwe? Itolo, itolo yaga kimyeme.”

148 Kangi polelo une naabukile nkati. Ikyo kyāli mu luko lumo kyālingēmīle une, ugwe umenye. Kangi popāpo une ndinkwīngila nkati nukulāmbalala pāsi pa kitala. Umwēne alinkwisa nkati ukusanusya ifyakwīkinga. Kangi umwēne āli nafyo i—i findu pa lukongi lwāke, kangī bo umwēne ikwānda pala, une ndinkukēta, kangī pala ālipo u . . .

149 Une ndinkuyibona i . . . iliyumba lyababwīte ilikulumba ilinywāmu, ili ilisuba lyabalile pāsi kangī lyabongotolīle mōsa pa mfu, ukupufula ilyēne ku tuyabo, ilisuba likimulika ukufuma ku Mwānya. Kangi pala palinkwisa abakīkūlu batatu nu nnyāmbāla, ikwisa pala. Kangi abēne bāli nato panja bo utunini panini, bo utunini . . . uluko lumo lwa tutundusu utunini utwakutusulila, ngati. Kangi umwene aatile, “Ikyo kikuguta imisumali.” Kangi alinkuti, “Uswe twisa . . . Ugwe kolelela utuyabo utu mmwanya, Nkundwe Branham, kangī uswe twisakuyēngaga iliyumba lyababwīte ili kangī kuli ugwe.”

Kangi une ndinkuti, “Umma ndaga, une ngubombaga ikyo.”

150 Lōli i Kindukimo kilinkuti, “Komma ukubōmba ikyēne.” Ena, une ndinkufikila pāsi ukwēga akayabo, bo *ulu*, ukuyēnga ilyēne bo *ulu*. Kangi itolo polelo i Lisyu lilinkuyoba kwa une, kangī lilinkuyoba, “Lilino abēne bali pa nsebwe ukukwēga ugwe ukugomokela. Komma ugwe ukwitika ikyēne.” Alinkuti, “Abēne bāli akabalilo kōsa babwanaloli-ndumbula fiyo, kangī abēne bikwisa kwa ugwe na ISI SYO IKUTI U NTWA, lōli abēne basobi.” Muketile?

151 Fred Sothmann, bingi ba umwe apa, mwāli palapala pala akabalilo kāko une nababūlīle abēne isya ikyēne. Mbuninipo ukukinda isala yimo, abāndu bala balinkwendesya palapala mpaka pa kifigo kyāngu. Une ndinkuti, “Pala pali abakīkūlu batatu nu nnyāmbala yumoywēne.”

“Ikyo kyo katikati kotalusya.”

“Abene bikwisaga nu ISI SYO IKUTI UNTWA?”

“Ena, nkulumba, abene . . .”

¹⁵² Une ndinkuti, “Mulimōsa, ugwe umenye ikyakubabūla abēne.” Banaloli-ndumbula basobi, muketile. Abāndu banunu, lōli banaloli-ndumbula basobi. Muketile?

¹⁵³ Polelo une ndinkwinogona, “Ena, kyo kiliku iki une mbagile ukubomba? Ngimba une mbombe kiliku?” Kangi polelo Meda ikwisa nkati, kangi umwēne ābūkīle ukugomokela. Kangi Nkundwe Freddie ābūkīle nukubabūla abāndu bala. Kangi polelo bo akabalilo kako, une naali nkati mula pa—pa kitala, kangi une ninogonaga, “Ngimba nongwa ya fiki ikyene kikuboneka injila iyo? Nongwa ya fiki une ngutoligwa ukuyoba? Fiki une ngabagila ukuyoba kwa mundu yumo, pamo ikindukimo?” Kangi une nālambaléle nkati mula. Kangi Meda ikwisa nkati, kangi āgomokelaga ukusōka ukufuma ku kyūmba.

¹⁵⁴ Kangi une ndinkukēta, kangi ndinkukibona ikindukimo kikupela ukumulika ukukilania ku lubafu lumo. Kangi une ndinkukēta, kangi pala kyālipo iki... ikibūmba kyāngu kilinkwīgūka, kangi une ndinkumbona Yeso. Balinga ba umwe mupilikemo siku une nguyoba ukuti une numbwene Yeso kabili mbumi bwāngu, mu mboniboni? Kangi une ngwitika une mbagiile ukumbona Umwēne kangi bo kakāli akabalilo ka bumalikisyo, muketile, ukumbona Umwēne kangi. Lilino, une ndinkukēta, kangi imyanya gyāli itolo panja pala, gyabonekaga itolo ngati une ngukēta ukukīnda ikibūmba. Kangi pala lyālipo i Bāngéli limile palapala bo *ulu*, i Bāngéli ilinywāmu ilikulumba limile mmyanya. Mulimosa, kyālipo pala ikindukimo kyāli nu bwēlu ukusyungutila i Bāngéli, kangi ukufuma mu i Bāngéli mulinkwīsa ikipīngika kya golidi ikimogi naloliloli. Kangi ikyēne kilinkwīma panja bo *ulu*, kangi imuli sikwisa ukufuma mōsa ukusyungutila ikyēne, kangi ukufuma ku kipīngika kila Umwēne alinkwēnda. Ili Bāngéli lilinkumulika ikipīngika, ikipīngika kilinkumulika Umwēne. Kangi Umwēne ikwisa ikwēnda panja, kangi alinkwēnda palapala ukusuluka kūko une nālīko. Une mbagiile ukukibona ikyēne itolo nubwapawēlu itolo, une mbagiile ukukibona ikipīngika kila kikumulika inywīli Syāke simile pala, sikulēmbéla pāsi pamwanya pa kisyo Kyāke.

¹⁵⁵ Umwene alinkungetesya pasi kwa une bo *ulo*, kangi Umwene alinkuyoba kwa une, “Ugwe kugūlila ubutumigwe bwāko ubupya ukusisimikisigwa kwa ugwe.” Umwene alinkuti, “Une ndalile nsisimikisye kwa ugwe. Ubwēne butalile busisimikisigwe. Ugwe kufimbilisigwa ukubwītikisya ubwēne.” Muketile? Kangi une ndinkwīma kangi ndinkumpilikisya Umwēne itolo mu miniti. Kangi ikyēne kilinkwīsa mu linogonelo lyāngu. Une ngāpilike ikyo, ikyēne kyālīsīle itolo ku linogonelo lyāngu.

¹⁵⁶ Ngati u nnyāmbála uyu āli yo ntulwanongwa ubūmi bwāke bōsa, kangi umwēne amēnye liliko i Bāngéli, amēnye aliko Kyāla, lōli mosa nkabalilo kamokene umwēne ikupilika ubulūmbilili, polelo i Kindukimo kikumbula umwēne, “Ikyēne yo ugwe.”

Polelo, i Lisyu lilalila lila lyāliko pala akabalilo kōsa, lōli llyēne lisisimikisigwe ku mwēne, polelo umwēne ikuyoba, “Ntwa, nswaga une.” Lōli ikyēne kitisakubōmba na kanunu na kalikōsa mpaka umwēne ikwitikisya ubupoki bwāke, polelo umwēne ikubūka panja kangi ikuya Nkristi. Kali ikukūta kingi kaki umwēne, ko kingi kaki umwēne ikupepeka, umwēne ikufimbilisigwa ukwitikisya llyēne.

¹⁵⁷ Kangi Umwene alinkuyoba kwa une polelo, “Ugwe kufimbilisigwa ukwitikisya ikylene mu njila yilayila. Ugwe kufimbilisigwa ukwitika ikylene.”

¹⁵⁸ Une ngutīla ukuponjolīgwa. Kalikosa, une ngutīla une ngutwālāga ubuywelulo. Une akabalilo kōsa ngutīla ikyēne, ngukētésya, ngwinogona une ngukolelāga ikindu ikisobi. Panongwa yakuti, une negile ubusoke bwa i Bāngéli, mūmo fikuti Mōse āpegīgwe amaka amakulumba, kangi umwēne ātikīle ilyalabwe mbuyo bwa kuyoba ku llyēne. Une ngukumbukila Eliya, panongwa yakuti umwēne ābūkīle gwakipala, abanike abanini bala bikummūgīla umwēne isya kuya gwakipala; kangi umwēne alinkubīka ikigune pa banike bala, kangi malongo mana-na-babili ba bēne bagogīgwe ni findingo, muketile. Kangi yula akāli Mbepo Mwikemo, lōli ikyēne āli nsololi, akalalisīgwe. Kangi une—une ngindilēmo mu findu fyosa ifyo, ngwisa ku ikyo.

¹⁵⁹ Kangi pala Umwene aalimile, ikuyoba kwa une. Kangi Umwene alinkuyoba, “Loli ugwe kwēnda na bīngi.” Umwēne alinkuti, “Ukwēnda na Une, ugwe kwisakwendaga gwīmwēne.”

¹⁶⁰ Une ndinkukibona palapala, une napakisyaga fiyo ku fipanga-fipāgūke na filifyōsa, umwe muketile, umunduyumo ikugela ukukubūla ugwe ikyākubōmba kangi ikyakusitakubomba. Ugwe kufimbilisigwa ukunkonga Umwēne. Lilino, kumbukilaga imboniboni iyi Umwēne ālimbele une ukufwana nu tuswi, umwe mumenye, kangi mūmo fikuti ugwe ukābagīle ukumanyisya ifimanyilo ifikinda-kipelīgwa ku banike ba kiPentekosti. Umwe mukukumbukila. Kangi pala ikyēne kyalipo. Kangi une ndi palapala pa mbulo ya Ndumi imbya iyi.

¹⁶¹ Kisita kukindapo apa imboniboni yindekege une, une ndinkuyoba, “Ameni, Ntwa!” Kangi unkasi gwāngu ālimile pala, kifuki ukusilika. Kangi une ndinkunyela ukufuma nkitala, une nābagīle ukuyoba nu bununu mūmo nabōmbilēmo siku. Itolo mu sekondi, akayabo ka sekema kalikosa kalinkundeka une.

¹⁶² Une ndinkunkolēla u Dokotala Schoen, une ndinkuti, “Une ngulonda ukuti ugwe ungēte une.”

Umwene alinkuti, “Fiki?”

¹⁶³ Kangi une ndinkwisa ukukilania kula, kangi umwēne alinkungēta une, ikukēta nkati mwa mbulo sila, alinkuti, “Mbula une ifi fyabonike, Nkundwe Branham.”

Kangi une ndinkuti, “Ugwe ubagile ukwitika akapango kangu?”

Umwene alinkuti, “Mbagile bulebule une ukukyilamwa icyène? Ikyene kyo kyabonike.”

¹⁶⁴ Ikyo kyo icyène, muketile. Ikyo icyène, mwinangu. Kyāla amenye ukukolelela ugwe pa kilundiko kya lito. Umwene amēnye akabōmbela ka kindukimo kuli ugwe mpaka Umwene abagile ukutwāla i Ndumi kwa ugwe, muketile, ukuti ubōmbe i kindukimo.

¹⁶⁵ Umwīsyugu, une ngamanya bo buponjologwe bulinga. Une nālingile nkati pakaya patali mma, nāpilikisya ubufumusye bumu. Kangi pala ālipo undumbilili ikulūmbulila pa busyūke, ukufuma Korinti Gwakwanda 15. Kangi umwēne ālumbulilāga ubusyūke. Kangi umwēne ālimile itolo pakati pa bulumbilili ubu, kangi umwēne alinkuti, “Umwe mumenye, abāndu bingi bikutila ubuponjologwe.” Umwēne alinkuti, “Akabalilo kāko Unkulumba-gwa-bwīte Patton ātāgile ikibugutila kya basikali,” alinkuti, “polelo abēne bālimbulile umwēne...Umwēne alinkutuma indumi kunyuma kangi umwēne alinkulōnda abāngi abakongelelāpo, kangi abēne balinkuntumila umwēne abangi abakongelelāpo. Umwēne alinkukubatuma abēne balinkugogigwa, kangi umwēne alinkusuma kangi abāngi abakongelelāpo. Kangi akabalilo kāko umwēne alyāmbilile ikibugutila kyabutatu pala,” alinkuti, “akabalilo kalikosa ikipololo kyāywēgaga, abēne bābopelaga pāsi pa kitini, pamo pāsi pa kindukimo ikingi, ukutīla.”

¹⁶⁶ Umwēne alinkuti, “Ndumila une abanyāmbāla, komma abanike.” Umwēne alinkuti, “Une ngulonda abanyāmbāla aba bītēndekisye ukufwa. Une ndikulōnda umunduyumo uyu ikutīla ukufwa. Linga inongwa uswe tukulwīla yikafwāna ukufwilāpo, polelo umwe bakyūngāga abēne ukufuma kwa une. Une ngulōnda abanyāmbāla.”

Abēne balinkuti, “Lōli ugwe uponjoligwe ukutikana kubili pamo kutatu.”

¹⁶⁷ Umwēne alinkuti, “Une ngaponjologwa pa bwīte. Une mbonjologwe itolo ukutikana kumo.” Ikindukimo kilinkuyoba mu ndumbula yāngu.

¹⁶⁸ Une ngukumbukila Eisenhower āyobīle, “Akabalilo kāko une ngusopa ikipolopolo, ukulagililigwa kangi abēne bikusopa ikikalang’asila mu ndusu, abēne balinkuyikwāba iyēne kangi iyēne yikutoligwa, iyēne yikābōmbīle,” alinkuti, “Une ngalekilēmo nu kwitika ubutoligwe. Une nāsopaga ikipolopolo panja nukubikamo ikīngi mula, ukugela iyēne. Linga iyēne yikābōmbīle, une nābīkāga ikingi kimo mula, mpaka kimo naloli kyābōmbīle.”

¹⁶⁹ Iyo yo njila icyēne kibagile ukubōmbeligwa. Une ngamanya mūmo icyēne kisakuyilaga. Lōli Kyāla yo Ndongi gwāngu

pamwanya pa kigemo iki, une ngamanya ko kutoligwa kulinga kang'i kulinga—kulingo ko kutikana une ngwisakutoligwaga, lōli une ndisakutoligwamo ubwīte. Umwēne ālimbulīle Umwēne ikuyaga na une. Une ngwimaga mpaka une ngukēta ubutumigwe bula bukusisimikigwa nukububona ubwēne mbubōmbélo. Une ngwānda ulubunju ulu, ni lipyāna lya Kyāla. Une ngāmenye kali ubwēne bwāyaga pakubōmba apa, kali ubwēne bukubōmbaga kubuyo bumo ubūngi, mūmo ubwēne bwisakubōmbelaga pamo iki kisakubonekaga. Lōli une nisakwēndaga itolo mu ngindi sya nyīpūto, ukwīputīla ababine, mpaka une ngamanya iki kyo kikuboneka. Une nkibwēne ikyēne kikuboneka kabili pamo katatu.

¹⁷⁰ Une nkibwēne ikyēne kibonike mu nyūmba ya Hattie. Balinga bapilikemo siku akapanga aka balukoti, kang'i akakufwana nu ndindwana, unkīkūlu unnini? Umundu gwakwanda mu bōsa uswe tumenyemo, ukufuma mmasiku ga bafundigwa, nasiku āpegigwēmo ulusako ukuyoba, “Sūma iki ugwe gwīganīle,” akabalilo kāko ugwe uli pala. Ngimba umwe mupilikemo akapango kala? Ngimba umwe mumbwenemo siku unkīkūlu? Balinga bakambonamo siku umwēne, kang'i bikulōnda, bikulonda ukunketa unkīkūlu uyu ikyēne kyabonekileko? Uswe. . .

Hattie, ngimba ugwe ubagīle ukwīma? Pala alipo unkīkūlu.

¹⁷¹ Imile mu nyūmba yāke. Ukufuma pāpo une nababwēne abalukoti lwele, aba bakāliko naloliloli nabamo ukusyungutila kulikosa, kang'i, itolo ukuyoba ilisyu, kang'i pala abēne bīmaga pala. Ikyo kyo kyabwanaloli. Ikyo kyo, pala abēne bayaga. Kang'i une ndinkuti, “Ngimba fiki fyāpelile abalukoti bala ukwisa pala?” twitūgēsye pa mēsa. Kang'i u māma gwāke, Kalumbu Wright, apa alipo Nkundwe Wright, ālitūgēsye pala. Balinga bāli pa mēsa, balinga bali apa ulubunju ulu? Fyusya ifiboko fyīnu. Ena, abene bāli pala, ukusyungutila pamwanya mu nyumba. Muketile? Popapo, abene bāli pala. Kang'i une ndinkuti, “Tlisiku limo. . .” Ulilumbu gwabo unnini undemale itūgēsye pala.

¹⁷² Une ndinkuti, “Ikyēne kikufimbilisigwa ukwisa mu mboniboni, bo ifyo, lōli ilisiku limo ikyēne kisakwisaga nubukīndāne.” Nāyobaga bo ulo. Nakalinga itolo pakamokene, i Kindukimo kilunkupaka kila (kileka ikyēne ku bāndu aba), une ngīpilikāmo siku ubupake bo bula. Nongwa ya fiki? Panongwa yakuti Hattie āyobīle ikīndu ikitalusye.

¹⁷³ Une ndinkuti, “Ko kūgu aba lukoti bala bāfumīle? Bakālipo nabamo pala, komma nu buyo gābo mma, itolo bo liyēngo lya telefoni palapala pala. Kang'i une nākibwēne ikyēne kikuboneka kalwele ukutalula.” Kang'i une ndinkuti, “Une ngamanya kūko ikyēne kyafumileko.” Une ndinkuti, “Ikīndu kyēne iki une mmenye, ukuti Kyāla āgelīle ukusisimikisya i Ndumi kwa Abraham akabalilo kamo, kang'i Umwēne āyobīle ing'osi

mukuyapo, panongwa yaktu Umwēne afumbilwe ingo'osi, ukusisimikisya Ilyēne. Ikyēne kyābagīle ukuti une nāfumbwāga abalukoti, ukuyoba abāngu. Kangi Umwēne ābōbombile ikyēne kalwele ukutalulana, pamo kahano na kabili ukutalulana." Kangi une ndinkuti . . .

¹⁷⁴ Kangi, Hattie, lumo kisita kumanya iki unkīkūlu āyobāga. Kēta mūmo Ikyēne kyākilenie abakabi na bakwitūfyā. Kēta mūmo ikyēne kyākilenie filifyosa, kangi ukwisa ku nkīkūlu undondo ugwan kāya kula.

¹⁷⁵ Kangi une nāli na madola malongo mabili mu nyāmbi yangu, ukungomokesya unkīkūlu yula, ukuti, umwēne āfingile amadola malongo mahano pa kipanga iki ikipya iki kikwisa. Kangi une ndikuyoba iki ukunkosya isoni umwēne; umwēne akābagīle ukuhōmba amadola malongo mahano, naloliloli, ukupa ikyēne. Loli, indumbula yake mu Ndumi, umwene aalondaga. Nkundwe Neville, une ngwitika, ālitikisye ikyēne, akabagīle ukwambilila yosa ya iyēne, itolo ukundeka umwēne ahōmbe amadola malongo mabili ga ikyēne. Kangi une nāli na makalatasi mabili ga dola-kalongo mu nyāmbi yāngu, Meda ālimpele umwēne ukuti ūle ifyakulilūka, kangi une ndinkuti, "Une ngubūkāga ukwakumpa ikyēne ukugomokesya ku mwēne umwīsyugu."

¹⁷⁶ Polelo une ndinkwīnogona, i Kindukimo kilinkuyoba kwa une, kilinkuti, "Yeso alimbwēne umfwilwe yula ukubika nkati ututalama twāke tutatu, kangi Umwēne akagomwīsyemo siku ku mwēne." Umwēne alindekile ukubūka ukukindilila panongwa yakuti Umwēne āli nakyo ikindukimo ikikulumbapo ukusuluka pa nsebwe.

¹⁷⁷ Panini fiyo fikuti une nāmenye ukuti Umwēne āyobāga kwa une injila yilayila, isya nkīkūlu umfwilwe, kisita nndume. Unndume āgogīgwe. Kangi une ngāmenye ukuti yula āli yulayula Yuyo, akabalilo kāko une nāyobīle, "Polelo une ngukyūngaga itolo amadola malongo mabili aga, Ugwe uli nakyo ikindukimo kuli umwēne."

¹⁷⁸ Une ndinkuti, "Ikindu kyene iki une mmenye, Yehova yo Yehova-yire. Umwene abagile ukupa ilikemo."

¹⁷⁹ Kangi Hattie, kisita kumwnya iki umwēne āyobaga, alinkusumuka mmwanya nukuyoba, "Ikyyo kyo nakimo lōli bwanaloli, Nkundwe Branham." O, mwe! Ikyyo kyaali kindu kitalusye ukuyoba. Ikyyo kyaali kindu kitalusye ukuyoba.

¹⁸⁰ Ukufwana akabalilo kala, a Maka ga Kyāla galinkutika ubuyo bula; une ngipilikamo siku ubupakigwa bo bula. Akabalilo kāko Ikyēne kyābombīle, une ndinkuti, "Hattie, ISI SYO IKUTI U NTWA, sūma iki ugwe gwiganile! Une ndikupāsyā iki ikyēne kili, Kyāla abambele une amaka ukukupā ugwe ikinyonyow kya ndumbula yāko lululu lilino. Linga ugwe kusuma elifu-elifu gwa madola, ugwe ubagīle ukuya ni kyēne. Sūmila kwa yula ndindwana undemale ukuti asumuke nukugela

ukusumuka nukwēnda, umwēne isakuaya ni kyēne. Sūmila kilikyōsa ikingi.”

Umwene alinkuti, “Ngimba une ngusumaga fiki, Nkundwe Branham?”

¹⁸¹ Une ndinkuti, “Kilikyosa iki ugwe kulonda. ISI SYO IKUTI U NTWA.” O, ko kwipilika kuki!

¹⁸² Umwēne alinkukelengania. Pala ālitūgésye ugwise unkāngāle ugwambuha uyu āfwene agomosīgwe ku bafwe, kifuki. Pala alitūgésye u māma gwāke unkāngāle, mbinemo. Pala pālitūgésye ugwāke unnini, ulilumbu undumale.

¹⁸³ Lōli umwēne āsalīle itolo iki kyāli kitalusye. Umwēne āli na balumiana batubwa babili itolo mu ngulilo ya bwālangāni. Undume gwāke umpala akīndīle ku Lwimiko; umwēne āli Nkristi, ikugūlīla. Lōli abalumiana bakāli baKristi mma. Umwēne alinkuti, “Imyoyo gya balumiana bāngu babili.” Kyāla asaye indumbula yāke.

¹⁸⁴ Une ndinkuti, “ISI SYO IKUTI U NTWA, ugwe kabaga abēne.”

¹⁸⁵ Kangi pala abēne balipo, bōsīgwe mu Lwitiko. Abēne bāmbulaga une ikilo kimo, kōpe, kala akalumiana akanini fiyo kakusuka amalundi nkati mula, ikubīka amaboko gake pamwanya pa ntu gwa Nkundwe Neville, nukummwīpūtila umwēne akabalilo kāko umwēne asukaga amalundi gāke.

¹⁸⁶ Abalumiana abanini babili lumo bitūgésye ndukomano pa buyo bumo ulubunju ulu. Ngimba abēne, Hattie, ngimba abēne bali apa na ugwe? [Kalumbu Hattie ikuyoba, “Abēne bali kunyuma kula.”—Nsimbī.] Mu nyuma, mu nyuma. Muli kūgu umwe, balumiana? Fyosa amaboko gīnu. Bali kūgu abalumiana babili? Mwaketa lelo umwe, bimile mula mu nyuma. Kyala abasaye umwe. Umma ndaga. Mwaketa lelo umwe.

¹⁸⁷ Lilino, fiki fyabonike? Ikindu kilakila, kali iki umwene ikubombaga...iki umwēne angali asūmile, umwēne angali āmbilīle ikyēne. Umwēne angali akabīle ikyēne.

¹⁸⁸ Lilino une ngulōnda ukukēta ikyo kikuboneka. Ikyēne kikuyaga bwambililo bwa bāndu ku Ndumi. Muketile mumo umwene aayobile ikyene? Umwene ayobile itolo ikindu ikitalusye. Ikyene kyo iki ugwe kuyoba, iki kikubōmba ikyene. Iki ugwe kuyoba!

¹⁸⁹ Keta u nkīkūlu gwa ku kiSirofinisia akabalilo kāko umwēne ikwīsa kwa Yeso. Umweene alinkuti, “Ntwa, umwanundindwana gwaangu atamiigwe nubusulumanie nu mohesi. Ugwe gwe Mwanundumiana gwa Davidi, isaga isambumbulusye umweene.”

¹⁹⁰ Umweene alinkuti, “Ikyeene kikaya kyaakufwaana kuli Une ukwegapo pa nkati gwa baana nukupa ugweene kwa umwe mwe mbwa.”

¹⁹¹ Whuu! Bule linga Umweene angali ayobiile kila kwa bamo mwa uswe? Uswe angali tukuti, “Kungoolela une mmbwa? Haa, kikaali nakimo ku Mweene, mulimosa! Ikipanga ikinywamu kyo kitalusye. Umweene akaya nayumo looli mwikemombumbuluka. Umweene akaya nakimo looli Bezezebabu.” Uswe angali tukuya nu bwambililo bula. Loli komma umweene.

¹⁹² Umwene alinkuti, “Ikyene kyo kyabwanaloli, Ntwa. Ugwe uli katikati ntalusyi. Looli imbwa sikwitikisya ukulya utusyaale paasi pa mesa ya baana.”

¹⁹³ Kila kilinkummwaga Umweene. Umweene alinkuti, “Panongwa ya buyobelo ubu, u mohesi asokilemo mwa mwanundumiana gwaako. Panongwa ya buyobelo!”

¹⁹⁴ Ikyeene bo bwambililo bwiinu, biinangu. Ngimba Umweene akaayobile ikyeene? Umwe mukufimbilisigwa ukwitika ikyeene, biinangu. Ugwe, komma ukunyitika une, une ne nnyambala; loli umwe itika iki une ngubabula umwe, itika i Ndumi. Linga ugwe utikwitika u ntumigwa, itika i Ndumi. Linga u muundu alingila nkyuma mula, na telegalamu, kali yo ywaani, iki umuundu yula abonekaga ukuya, ywaani umweene aali, nywaamu pamo nnini, ugwe itiki iki kili pa telegalamu, komma u muundu. Kyaala andumile une ukubabuula umwe. Une ndinayo i Ndumi. Kyaala andumile une ukubabuula umwe ukuti Umweene asyuukile ukufuma ku bafwe, ukuti Umwene alia pa ulubunju ulu. Umweene asisimikisye ikyeene ukwisila mu fimanyilo ni fiswiigo, ukuti Umweene ali apa, kangi aligwesa gwa umwe abagiile ukubumbulusigwa ku bubine bwaabo linga ugwe ubagiile itolo ukweega ubwambililo ubutalusye bo ugwe kwiisa. Ngimba ugwe kubombaga ikyo, akabalilo kako uswe tukwimba *Itika Itolo*.

¹⁹⁵ Lilino unko bala baabo bikuyaga pakwiiputiligwa, isaga kunokuno kuno kangi baamba itolo ukusyungutila apa. Lilino, komma ukwisa pene paapo ugwe kwitika ni ndumbula yako yosa.

¹⁹⁶ Gwempala Ntwa, iyi yo sala. Une ngusuma ukuti Ugwe kwisakubumbulusyaga abandu aba, Ntwa. Kangi kemesyaga amafuta aga. Egaga u lwiimiko kwa Gwiimweene, Taata. Uswe tukutuma ifi mu Ngamu ya Yeso Kristi. Ameni.

¹⁹⁷ Une nguswiiga linga uswe tubagile ukusuma ukuti bala abaandu aba bimile ulubafu *ulu* apa, linga yilipo injila iyi abeene babagiile ukuyaaga itolo ni fwaasi innini apa, ukuti uswe tubagiile ukubatwaala abandu itolo kifuki, linga umwe mubagiile. Palapala ukukiinda apa, ukubuuka panja injila *yila*. Polelo abeene babagiile ukwiisa injiila yoosa yila, palapala pasi pa lukindi, ukupela ulubaambo lumolweene lukubuuka panja injila yila.

¹⁹⁸ Ikindukimo kibagile ukuboneka, Nkundwe Neville. [Nkundwe Neville ikuyoba, “Ameni. Ikyene kikuboneka lululu

ulu. Ntufye Untwa! Yeso ali apa. Ena. Aligwesa gwa bene abumbulusiigwe mu Maka ga Kyaala.”—Nsimbi.] Amenii.

¹⁹⁹ (Kuyoba fiki? Kotalusya . . . Mulimosa, umma, itolo papapa ukukilania pala. Nkundwe Neville na une, ena, uswe tukuyaga ukubiiputila abeene ku bumalikisyo. Popaapo, kabagila ukubatwaala abeene ukusyungutila injila iyi, nongwa yakuti ugwe angali, linga ugwe kuyaga pakuboomba. . . . Itolo i miniti. . . .?)

²⁰⁰ Lilino unko une njobe ku kilundilo iki kikuguulila: *Ili* lyo Lisyu lya Kyaala, Yuyo une. . . . Uyu une nguyila muumo, kangii ngwisakufwilamo, ni lipyana nu butuli bwa Kyaala. Kyaala ikuya Ndongi gwaangu pamweene, une mbabuulile umwe u Bwanaloli. Une ngetile, kangii ifindu fyosa ifi fikwisa kulakula ku kyeene. Koope ku kaswi akanini aka kafyuusiigwe paasi pala, ngimba umwe mwapilikemo akapango? Pala biituugesye abanyaambala kunyuma kula, bosa babili ba abeene, aba baali kula akabalilo kaako ikyeene kyaabonike; kyabuuliigwe ilisiku limolyene bo ikyeene kikaali ukuboneka. Lilino, une ngubabuluaga umwe bulebule ifindu ifi fifyo fili? Muketile, une ngulonda ukulumbulila pa, kimo mwa kilo isi, pa *Ukugelelana*. Ummundu abagiile ukukubuula ugwe ikindukimo, kangii itolo ukumilisa ukuyeenga bo ulo, looli linga likayapo i Lisimbo ukugelelana ni lyeene, ikyeene kubumalikisyo kisakugwa paasi. Linga ukumanyila-ngaani, ni mboniboni isi ni fiindu ifi une mbabuulile umwe, linga ikyo kikaali Bwaanaloli; ikindu kyaakwanda, lilipo i Baangeli ukukituula ikyeene, kangii pala aalipo u Mbepo Mwikemo ukusisimikisya ukuti une mbabuulile u Bwanaloli.

²⁰¹ Lilino, une njile kifuki ifyinja kalongo na fina mu ngunda, ukukindamo mwa ndondabusobi aligwesa uyu agigwaga pankenyi pa une. Abamanyi, abakomu, kilikyosa ikingi, komma akalibalilo kamokene babagiile abene. . . .

²⁰² Polelo umwe mumenye iki abene bayobile? Umwe mupilike ikyene apa. Abene bikuyoba, “Abandu mula nkilundilo bikubukaga ukusyungutila, ukuyoba ku bandu.” Ikyakwanda abene bayobile ikyene bali bandu ukufuma ku kipanga kyangu, aba bikubuka kula ukubombigwa. Polelo abene balinkutoligwa ukufika kula, balipo ba bingi ba abene.

²⁰³ Ikindu ikikonge abene balinkuyoba, ukuti, “Ikyene kikuyaga ngati bakundwe” aba bikubuka na une, “abene bikwima kunyuma kula nukuyoba, ‘Unnyambala *uyu* alinakyo ikyakupilikila, mu mbulukutu syake.’”

²⁰⁴ Polelo abene balinkuyoba ukuti, “Billy Paul, Billy Paul abagile ukwisa kangii—kangii ukubuka pamwanya pala nukubala amakadi, iki abandu bikuyoba. Linga pala kilipo ikindukimo kitamisa ni mbulukutu syabo, umwene abagile ukuyoba, ‘imbulukutu syabo’ pamo ‘munda mwabo.’”

205 Bulebule nkisu babagile bala panja pala aba bakaya na makadi ga lwiiputo nagamo? Bulebule nkisu kibagile icyène ukuyobela-ngânîla ifindu ifi fikuboneka nupelelesye? Ngimba icyène kibagile ukuya bulebule injila yila? Ikyène kikābagile ukuya. Aligwesa amenye, aba bo balinalyo ilinogono ilitalusye.

206 Abene bāyobîle ikindu kilakila ukufwana na Yeso, akabalilo kako Filipu aabukile kangî aalimmwagile Nataniele. “Umwene aali mwinako gwa Yeso.” Umwène alinkuti, “Nalôli, umwène âlimbûlîle Yeso syôsa isya isyo. Umwène ikunkônga umwène.”

207 Kangî polelo abafûndîgwa bala bāyobîle, pamo abafûndîgwa bala aba kipānga ikinywāmu bāyobîle, “U Nnyāmbāla uyu yo Belezebabu. Umwène yo Belezebabu. Umwène yo ndagusi.”

208 Yeso alinkuti, “Une ngubahobokela umwe pa ikyo. Loli ilisiku limo u Mbepo Mwikemo ikwisa ukubomba ikindu kilakila, ilisyu limolyène ukulwana na Uyo kitisakubohokeligwamo siku.” Lilino linga. . .

209 Une njîle gwanaloli-ndumbula na umwe bāndu, itolo ukuya gwanaloli-ndumbula mûmo une nāmanyîle ukuya. O, une lumo nākanikène ni nyiho simo isi umwe mulinasyo mu bufundakyala ni findu. Loli, inongwa iyi une ngubomba ikyo, Paulo aayobile, “Linga u gwāndûmi ukufuma ku Mwanya ikwîsa nukulûmbilîla ikindu kilikyôsa ikingî lôli komma iki i Bāngéli lila likuyoba,” kangî iki umwène amanyîsye, “unko umwène ayêge ngunigwe.”

210 Popāpo, une ngufîmbilîsigwa ukukônga itolo iki i Bāngéli lyāyobîle. Linga i i Bāngéli likuti, “Umwene yo yulayula mmayolo na bwila,” une ngwitika ikyo. Kilikyosa itolo iki i i Bāngéli lyāyobîle, ikyo kyo katikati itolo iki une ngwitika. Une nguyobo ikylene bo ulo. Une ngāli nu bumanyili bulibôsa, ngāli nako ukumanyîsigwa kulikosa. Une itolo ndinkupilikîsya kwa Mbepo Mwikemo ni Bāngéli. Kangî mpaka na mwîsyûgu, ukufika ku lubunju lwa Pāsa ulu, ku fyînja malongo-matatu-nakimo, Umwène akansulumanîsyāmo siku une.

211 Kangî une ngukubula ugwe ukuti u Mbepo Mwikemo aalîmbulîle une pa butumîgwe bula bukwîsa, ku fyînja fibili pamo fitatu ifi fikîndilepo, kangî une mfîbûlîle ifipanga kulikôsa. Kangî Kyāla Mwenemaka ukuya Ndongî gwāngu, papapa pamwanya apa ulubafu ulu lwa Salem, aba lukoti bala bikwisa mu kuyapo kûko kukālîko aba lukoti nabamo. Kulakula kûsî kula na Charlie, twîmîle kunyuma kula, kangî ikulundilo kya abêne pâsî apa mu Kentucky; aba lukoti bala bikwisa mulamula mmabuyo kûko abêne bakālîko, kyābûlîgwe kûko icyène kikuyaga. Kûko Tony na bala, Banks, bîtûgésye kula. Kangî pala icyène kyāli, katikati. Ukwisa itolo ukugomokela, kangî umûndu gwakwānda icyène kyāyobîgwépo siku, âli nkîkûlu yula itûgésye palapala pala, kangî pali icyène kili. Ulubunju lûmo pamwanya apa, akabalilo kâko une nâli mbine na kayîlo ka mmilo, une nâlimbwène Yeso imile pankyèni pa une,

kangi Umwēne alinkumbula une ukuti ubutumógwe butalíle busisimikisígwe kwa une.

²¹² Lilino iki kikwisaga ukuboneka, une ngamanya. Lōli, ikindu kimokyēne, une ngufimbilisígwa ikingi, ukusókapo panja pa iki. Injila yēne iyi une mmenye ukubōmba. Kiyeye icyēne kyakumanyigwa lilino, unko iki kiyeye king'walígwe, bo mūno Yobu āyobíle ulubunju ulu, ni kisimbilo kya kisulu, pa lyālabwe. Une ngamanya icyakubōmba. Ikindu kyēne iki une mmenye, ko kukata makato nkyēne. Umwēne ālimbūlílile une. Kangi Kyāla yo Ndongi gwāngu, Umwēne ālimbūlílile une. Une mbabulile umwe u Bwanaloli. Kangi linga Kyāla asisimikisye nukukubūla ugwe, kangi komma akabalilo kamo abagíle aligwesa apa ukubíkámo siku ikiboko kyābo pa kalikōsa káli kasobi, polelo iki kyo kitalusye, kyópe. Ikyēne kyo kitalusye, kyópe.

²¹³ Lilino akabalilo kāko une ngubuka kuno kangi ukwīma pa bumalikisyo bwa lukindi, une ndinagwe unkulumba, Nkundwe Neville pala, u nnyāmbála ugwabunyakyala, untimi gwítu apa, ukupaka abāndu, Une ngubíkága amaboko pa bāndu, panongwa yakuti ubutume bwa Yeso, ukufuma pa Pāsa, bwáli, “Buka kabíke amaboko pa babine, abene bisakubumbulukaga.”

²¹⁴ Une ngamanya iki Umwēne ikumbulaga une ndukīndi mula. Une ngugelaga ukwipilika bo ngupalamasya ukupakigwa kwapamwanya kula. Une ngamanya iki kikubonekaga. Une ngamanya. Kali icyēne kyo fiki, une nisakubōmbaga itolo mūmo Umwene ikumbūlilága une.

²¹⁵ Lilino ukwisa pala, ukwisa pala ni ndumbula inyisusanio. Kali Umwēne ikukukemela ugwe, linga Umwēne ikuyoba nakimo kwa ugwe, kali icyēne kyo fiki, ugwe kusōka ngapo kuntūya Umwēne, umwe muketile. Nongwa yakuti, imbombo yibōmbígwe, iyēne yo njila yimo ukufikila kwa ugwe.

²¹⁶ Lilino, nkundwe, ni kilūndi kila, une ngulōnda ukwitika icyēne. Linga Umwēne, ukwisila mu telefoni, ābagíle ukusōsyápo ulutamio lwa mūnda lula ukufuma kwa ugwe, Umwene aabagiile ukusōsyápo ulutamio lwa kilungi kila ukufuma kwa ugwe ulubunju ulu, muketile. Lilino ugwe itika ni ndumbula yako yosa.

²¹⁷ Kangi unkikulu unnini uyu ali nu mwana yula ali nu lutamio lwa ndumbula, komma ukwilamwa mosa kangi umma. Itika! Itika!

²¹⁸ Lilino une ngulonda aligwesa mu kipanga ukuya mu lwiputo. Kangi une ngubukaga pāsi kukwiputa. Mwesa ba umwe itolo umilisyága ndwīpúto lilino, akabalilo kāko une ngutwāla ulukīndi lwa lwīpúto ukukīnda, ngusuma, itolo ngubíka amaboko gāngu pa kila nukuyoba ulusayo.

²¹⁹ Kangi, kumbukilaga, linga aligwesa gwa umwe alinasyo imbīmbi insitakulātigwa, kiyeye icyēne kimanyigwe kwa ugwe ukuti Kyāla atisakukubumbulusyámo siku ugwe nu

butulwanongwa busitakulātígwa bula. Tendeka ikyēne kiyege kanunu, bo ugwe ukāli ukwisa ukukinda kuno, nongwa yakuti ikyēne kikukupela ugwe ukuya kibibipo. Muketile?

²²⁰ Lilino ikyēne kikaya kumanyila-ngānila mma. Ukumanyila-ngānila, une ngufyāgania ifindu fila. Lōli, kangi iki kikaya kumanyila-ngānila mma, une ngulōnésya ubutumigwe ubupya. Mwesa ba umwe mukupilikisya kanunu? Umma ndaga. Lilino itika.

Lilino unko uswe twīpūte bo uswe tukwinamisya imitu gyitu.

²²¹ Tāta Kyāla, imbindikisye-sya-nyobe syāngu sikāli sili pa kigemo, ukufuma ku sala ukufuma ku sala, lilino ku fyinja malongo matatu pamo ukongelalapo, ifi une nīmīle apa ukulūmbilīla, kangi ukusyungutila ikīsu. Kangu Ugwe usisimikīsyē i Nongwainunu iyi une ndumbilīle, panongwa yakuti i Ndumi yīsile ukufuma kwa Ugwe. Une ngābukilēmo siku ku sukulu yiliyōsa, ngāmanyilamo nasiku kwa aligwesa lōli kwa Ugwe, ngubala Lisyu Lyāko kangi ukugulila ukuketa ifi Mbepo ikuyobaga ukuti bōmba.

²²² Kangi lilino, Ntwa, Ugwe umenye isya butumigwe ubu bwa Mariko 11:23, kangi ukumanya ukuti isala yili kifuki, ukumanya une nubwanaloli njobile isya ba lukoti, kangi isya Kalumbu Hattie na balumiana bāke. Lilino, Tāta, kangi ukumanya ukuti imboniboni yila yikwisa kwa une pamwanya apa nkitala, ulubunju lumo. Une ngetile i Bāngéli lila, kangi polelo ikipīngika, kangi polelo Ugwe. Kangi kyāsetulīgwe mu linogono lyāngu ukuti une mbagile ikukyītika ikyēne, panongwa yakuti ikyēne kisisimikisigwe.

²²³ Lilino, Ntwa, une ngubūka nkyēni ulubunju ulu nkipānga kyāngu, ukwīma apa pa lubunju lwa Pāsa ulu, ngusuma ukuti Ugwe kumfyūsyāga une ku kikungilwa ikipyā, kyamaka mingipo, panongwa ya bāndu, kyamaka mingipo. Komma panongwa ya bupoki bwāngu; panongwa yakuti Ugwe utalile umbokile une, Ntwa, utalile. Komma panongwa ya nīmwēne; une ngānile ifindu fyōsa ifikulumba, ukukumanya Ugwe. Bo Ugwe gwāyobīle kwa une panja pala ku tempeli ingulumba yila, ilisiku ilingi, “Une ne kiyabo kyāko.” Lilino, Ntwa, unko une njege kiyabo Kyāko, ukuti une mbagile ukwāga ukuganiligwa na Ugwe, ukuti u Mbepo Gwāko isakwīsa mwa une. Kangi akabalilo kako une ngubīka amaboko gangu pa bandu abapala, abakubilwe, u Mbepo Gwāko, Ntwa, ali bōmbāga iyi yisyēle. Ikyo kyo kyōsa une mmenye ukubōmba, Ntwa.

²²⁴ Une ngukumbukila ubutume bwāngu, une “nāpāpīgwe ukwiputila abāndu ababine, ukubatwāla abēne ukwitika, nukuya gwanaloli-ndumbula akabalilo kāko ugwe kwīpūta.” Ntwa, une ne itolo. . . Une ngamanya akayilo ka kuyagwanaloli-ndumbula kangi mma. Une—une. . . Abēne bikukubīlwa, Ntwa.

Kangi une—une ngubílwe, nimwēne. Nālamba, Gwe Kyāla, paga ukuti abēne bisakubumbulusigwaga, aligwesa gwa abēne.

225 Une ngubūka nkyēni, Ntwa, nu lwítiko, bo yu Mōse āsegelele ku Nyānja Ingeseфу. Une ngusōkapo ukufuma pa kigemo ikikemesígwe iki, ukusuluka ku lukīndi lwa lwīputo, mu Ngamu ya Yeso Kristi. Tukusuma Kyāla Yuyo ālimbéle une abalukoti bala, Kyāla Yuyo ālimpéle Kalumbu Hattie amasyu gala, Kyāla Yuyo alindumile une ukubayoba abēne, alibukaga Umwene na une. Une ngubuka mu Ngamu ya Yeso Kristi. [Nkundwe Branham ikusōkápo pa kyakuyobelapo ukwakwīputila ababine, mingi ga masyu gāke gatikupilikigwa—Nsimbi.]

226 Sētáno, une ngutobesya i . . . ugwe, mu Ngamu ya Yeso Kristi, ukundeka u mwāne. Kaleka akēne, sōkámó mu mwanike uyu; būka, kangi umwāna isakuyaga kanunu.

227 Une ngubika amaboko gangu pa nkundwe gwangu, mu Ngamu ya Yeso Kristi, kangi ngutobesya ukukomeligwa pasi kosa uko. Ameni.

Mu Ngamu ya Yeso Kristi, mpāpo umwe ukusūma kwāke.

228 Gwe Ntwa, mu Ngamu ya Yeso Kristi, mpāpo Kalumbu Ruth ukubūmbulusya kwāke. Ameni.

229 Une ngwiputula u mwana yula. Loli une—une ngwisa pasi ukufuma kukigemo kuno. . . Ngimba ugwe kwitūgásya kugu? [Kalumbu ikuyoba, “Bloomington.”—Nsimbi.] Bloomington, Indiana? Nsimbila une u kalata isya mwāna uyu. Atupile mōsa mūnda apa lilino. Ngimba ugwe kuyaga pakwītika, nkíkúlu, ukuti ikyēne kyo kitalusye? [“une ngwitika ikyēne kyo kitalusye.”]

230 Polelo, Tāta, une ngubika amaboko gāngu pa . . . umwāna uyu, nukunkemela u mōhési uyu. Sokāmo mwa mwāna. Kangi ngulāmba i . . . ? . . . Kaliyaga akēne kanunu kangi umwāna ayege mbumbulusígwe.

Ugwe nsimbila une kalata, mmasiku mmabili.

231 Keta u mwāna unsyumbutuka-maso unnini alambalele pala? Linga ugwe utisakwilāmwa kangi mma, ugwe kwisakutwála umwāna *yula* ukugomoka nukunnāngisya umwēne ukuya mpuma kangi kanunu.

232 Une ngubika amaboko pa kalumbu uyu. Kangi aliyaga umwēne ubwambililo bwa nkíkúlu gwa kiSirofinisia. Kangi umwene alibumbulusigwaga mu Ngamu ya Yeso Kristi. . . ? . . .

Unko indumbula yiyege kanunu, mu Ngamu ya Yeso Kristi.

233 Une nguyoba amasyu aga. Akene kakufimbilisigwa ukuya kanunu. Akene kakabagíla ukuya akandukamo akāngi. Yeso āyobíle, “Une mbagíle, linga ugwe kwitikaga.” Lilino, linga Umwēne abagile ukupela u lukoti ukuboneka palapala bo *ulo*, bo mūmo Umwēne ābōmbíle ingo’si inyambala akabalilo kamo,

Umwēne abagīle ukupela indumbula yila ukubonekela kanunu nukuya kanunu. Iyēne yikufimbilisigwa ukuya.

Mu Ngamu ya Yeso Kristi, itikisya indumbula ukuya kanunu. Tupaga icyene.

²³⁴ Lilino, ngimba ikyo kikaya kipepe? Ikyēne kyo kipepe. Kyāla yo mpepe fiyo, uswe tukukilania pamwanya pa icyēne. Lilino ugwe itolo yaga mpepe fiyo komma nukwīnogona isya icyēne kangi mma. Iiyēne yisakuyaga kanunu mōsa.

²³⁵ Gwe Ntwa, itikisya u kalumbu gwītu ukuya kanunu, mu Ngamu ya Yeso Kristi. Ameni. Kalumbu . . . ? . . .

²³⁶ Ntwa, lilino une njobile amasyu aga, nubwanaloli-ndumbula mūmo une mbagīle ukwīlata pankyēni pa bāndu. Une mbabūlīle abēne, “Linga ugwe kuyoba ku kyāmba iki, ‘Yaga nsamisīgwe,’ kangi komma ukwīlāmwa, ugwe ubagīle ukuya nakyo iki ugwe uyobīle.” Mu Ngamu ya Yeso Kristi, ubukomeligwa pāsi ubu buli sosigwāga, ni ndamio syāko syōsa isi ugwe ulinasyo. Komma ukwilamwa lilino. Bukaga kifuki kulakula ku Mwene lilino.

²³⁷ Ntwa, une ngubīka amaboko gāngu pa nnini uyu nu bubabe bwa ntu ububībi ubu. Mu Ngamu ya Yeso Kristi, kalibumbulusigwaga akene. Ameni.

²³⁸ Ntwa, mu Ngamu ya Yeso Kristi, unko icyāmba kila kisumuke ukufuma ku mwēne, akēne kalibumbulusigwāga. U nkundwa gwītu alipeligwa mpuma yōsa . . . ? . . . Ameni.

²³⁹ Gwamapuli kangi gwakinunu; gwamapuli gwakinunu. Ntwa, mu Ngamu ya Yeso Kristi! Une nīmīle nukulūmbilila ilisiku ukufuma pisiku, kangi icyīnja ukufuma pakyīnja, Une ngakētāmo ulwītīka lukwīsa ukukolelana na Ugwe, mbumi bwāngu bōsa, lōli lūlo kyālipo kimo kyābonike! Lilino, umwēne yo gwamapuli mu mbulukutu yāke, kangi apufwīke mūnda mwāke. Unko umwēne abumbulusigwēge, mu Ngamu ya Yeso Kristi. Ameni.

Lilino, komma ukwilamwa.

²⁴⁰ Gwe Ntwa, Ugwe umenye ingomeligwe-pasi sya mbili gwake. Na maboko pa mwēne, ni ndumbula yabwanaloli, unko umwēne ayege mbumbulusīgwe, mu Ngamu ya Yeso Kristi. Ameni.

²⁴¹ Ubufwe bulāmbalele pa kifigo kimo, ulwītiko pa kīngi. Kyāla, bungulusya ukusōsyāpo ilibwe kangi unko ulwitiko lwegege ubuyo. Ngulamba kansa alisōkapo pa mwēne, mu Ngamu ya Yeso Kristi.

²⁴² Ntwa, ngulamba umwe alibumbulukaga. Une ngubīka amaboko gāngu pa mwēne. I Ndumi yikāli yikukuba mfibūmba. Mu Ngamu ya Yeso Kristi, umwene ali bumbulusigwaga.

²⁴³ Tata Kyala, une ngubika amaboko gangu pa nkundwe gwangu. Unko icyene kiyege, gwe Ntwa, Mbepo Gwāko kangi

amaka, ukupa ku mwene ubusume bwāke. Unko ikylene kiyege, mu Ngamu ya Yeso Kristi. Ameni.

Ikyēne kimalike. Komma ukwīlamwa ikyēne lilino.

244 Ntwa, ikinyonywo kya nkundwe gwītu ko kwīsa mu Kuyapo Kwāko, na bubine ubu pa mwēne. Lilino, mu Ngamu ya Yeso Kristi, unko umwēne ayage na iki umwēne ikisuma. Ameni.

245 Kyo kindu kikulumba kiki! Unko u Mbepo Mwikemo īse pa mwanike uyu, ku lwimiko lwa Kyala ukuti abene babagile ukuntwala umwene ku iki...?...Panongwa ya Kitangala kya Kyala, umwene ali ambulilāga ikyēne. Ameni.

246 Tata, mu Ngamu ya Yeso Kristi, itikisya ikylene ukuya bo lulo, ukuti u kalumbu gwītu ikubumbulusīgwa, kangī ubusūme bwāke bupēgīgwa, mu Ngamu ya Yeso. Ameni.

247 Kilibōmbigwāga ikyēne. Ugwe kwisakwambilila u Mbepo Mwikemo. Yikayapo injila ya kikyūnga ugwe ukufuma...?... Ugwe kufimbilisigwa! Ugwe kufimbilisigwa ukwambilila Umwēne, panongwa yakuti Kyala aayobile lulo. Ugwe imaga nu Mwēne.

Itolo bongotola itolo ukukīnda akakalang'asila kanini kala. Itolo yoba...?...

248 Tata Gwakumwanya, mu Ngamu ya Yeso Kristi, paga ubusūme bwa kalumbu gwītu. Ameni.

249 Tata, mu Ngamu ya Yeso Kristi, paga ubusume ubwa kalumbu gwītu. Umwene ali bumbulusigwaga. Ameni.

250 Umwēne abagīle ukupela u lukoti ukwisa mu kuyako, kahano na kabili ukutalula. Umwēne ābagīle ukupa unkikūlu yula kalikosa umwēne āsumīle; Umwēne ābagīle ukupa ikyēne kwa ugwe...?...

251 Gwe Ntwa, mu Ngamu ya Yeso Kristi, paga ubusume bwa kalumbu gwītu. Ikyēne kyo Lisyu Lyako. Ndaga Ugwe. Kangi kilipīgawāga ikylene kwa umwene, Tata, ukwisila mwa Yeso Kristi. Ameni.

252 Abaganigwa bāko? Tāta, mu Ngamu ya Yeso Kristi, paga ifi...?...

253 Ntwa, unkikūlu unnnini ugwa kiYuda uyu...Ugwe gwe Kyāla gwa Abraham. Paga ikylene, mu Ngamu ya Yeso Kristi, ubusume bwake. Polelo ikylene kikuyaga!

254 Mu Ngamu ya Yeso Kristi, Kyala gwa ku Mwanya, paga ubusūme bwāke. Ameni.

255 Undindwana unnini uyu. Mūmo itolo ugwe gwīsīle pa kigemo pala, Kyāla āmbulāga une fyōsa ifya būmi bwāko. Umwēne isakusōsyaga ngapo ulutende lula ukufuma kwa ugwe.

256 Ntwa, une ngutobesya ulutende mu ndindwana uyu. Ulwēne lulindekāga umwēne isala iyi kangi umwēne asōkége ukufuma

apa nsangaluke fiyo. Ikyēne kisakuyaga, mu Ngamu ya Yeso Kristi.

257 Kyāla gwa ku Mwānya, Yūyo asyūsīsyē u Mwanundumiana Gwāko, Yeso, mbusyūke uswe tukwiyēla, umwene alisangulukaga ubwēne mbukulumbapo umwisyugu...?... Mu Ngamu ya Yeso. Ameni.

258 Mu Ngamu ya Yeso Kristi, Mwanundumiana gwa Kyala, une ngubika amaboko gangu pa kalumbu, ukusuma ukuti umwēne abagīle ukubumbulusīgwa lilino mu Ngamu ya Yeso.

259 Mu Ngamu ya Ntwa Yeso Kristi, u Mwanundumiana gwa Kyala, ali bumbulusigwaga kalumbu gwītu. Ameni. Ikyēne kikabagīle ukunkamanda umwēne mma. Ikyēne kikufimbilisīgwa ukusōkamo. Būka, iki itolo kikufimbilisīgwa ukusōkamo.

260 Gwe Ntwa, mu Ngamu ya Yeso Kristi, kalumbu alibumbulusigwāga. Ameni. Mu Ngamu ya Yeso Kristi, une ngubumbulusya iki, kalumbu gwāngu. Ameni.

Mu Ngamu ya Yeso Kristi, une ngubumbulusya kalumbu gwangu. Ameni.

Mu Ngamu ya Yeso Kristi, une ngubumbulusya kalumbu gwangu.

Mu Ngamu ya Yeso Kristi, une ngubumbulusya iki, kalumbu.

Mu Ngamu ya Yeso Kristi, une ngumpa umwēne ubusūme bwāke. Ameni.

261 Gwe Ntwa, mu Ngamu ya Yeso Kristi, une ngumpa u mama unnini uyu ubusūme bwāke.

Mu Ngamu ya Yeso Kristi, une ngumpa umwe ubusūme bwake, gwe Ntwa.

Gwe Ntwa, mu Ngamu ya Yeso Kristi, une ngumpa umwēne ubusūme bwāke.

262 Sētāno, une ngukubopesya ugwe. Mu Ngamu ya Yeso Kristi, sōkamo mu nkikulu.

263 Kyākupinyile ugwe akabalilo katali. Ugwe uli mwābuke lilino. Ugwe kuyaga kanunu. Ukwene kukuyaga kanunu lilino, polelo. Itikaga ikylene lilino.

264 Kyāla, mu Ngamu ya Yeso Kristi, une ngumpa u kalumbu uyu, uyu yo ndemale, ububumbulusyo bwāke. Ameni.

265 Mu Ngamu ya Yeso Kristi, une ngumpa u kalumbu uyu ububumbulusyo bwāke. Ameni.

266 Mu Ngamu ya Yeso Kristi, kalumbu, une ngukupu ugwe ubumbulusyo bwāko. Ameni. Kiyege mūmo ikyēne!

267 Une ngusubila kwa Kyala une ndikubomba ubusobi. Paga iki, nu lwitiko. Kiyega mūmo ikylene!

268 Ngimba ugwe kwitika Kyāla ikukupa ugwe amaka ukubumbulusya ulutamia lwa ndumbula nugwe? Ngimba ugwe kwitika akapango kala aka une njobile itolo? Ni ndumbula yāko yōsa? Polelo une ngungupa ugwe ububumbulusyo bwāko. Mu Ngamu ya Yeso Kristi, une ngukupa ugwe ububumbulusyo bwāko.

269 Ngimba ingamu ya nkikulu uyu yo fiki uyu agomokile itolo apa? Ngimba ugwe kwitugasyaga ukusyungutila apa kubuyobumo? [Kalumbu, “Ena.”—Nsimbi.] Ugwe kumbukila ukuti ugwe ubumbulusigwe! Ikyo kyo itolo kyābwanaloli bo mūmo une nimile apa.

270 Tāta, mu Ngamu ya Yeso Kristi, paga iki, une ngusuma, ububumbulusyo bwāke. Ameni.

271 Tata, mu Ngamu ya Yeso Kristi, ali yaga nu bubumbulusyo bwake. Ameni!

272 Une—une—une ngufumusya ugwe... Une—une—une... Ni lipyāna lya Kyāla, ukwisila mu kyābupe Kyabunyakyala, une ngukupa ugwe ububumbulusyo bwāko! Kaga panja u mōhési, yōpe.

273 Ugwe kwitika Kalumbu Rose? O Ntwa, Mpeli gwa kumwanya na pasi, mpapo uyu Kalumbu Rose Austin ukubumbusya uku, Ntwa, mu Ngamu ya Yeso Kristi. Ameni. Ikyo kyo ikyēne, Kalumbu Rose, būka kwitika lilino.

274 Ntwa, paga kwa kalumbu gwītu ububumbulusyo bwāke, mu Ngamu ya Yeso Kristi. Ameni...?...

275 Ngimba ugwe kwitika ikyo? Ugwe itika akayabo kalikosa ka akēne. Polelo une ngukupa ugwe, mu Ngamu Yeso, ubusūme bwākr. Kyāla isakumpela umwēne ukuya kanunu.

276 Kiliyaga lululo ikyēne, Ntwa, ukuti ulilumbu isakubumbulusigwāga, mumbili kangi mwambepo, mu Ngamu ya Yeso Kristi. Ameni!

Yiliyaga iyi sala ukuti akabalilo kāko...?...

277 Ntwa, une ngubika amaboko pa mwēne, akabalilo kāko umwēne nsitalusubilo mpelelesye, ku bagānga pamo ukupolesya kulikōsa ukufuma ku sayansi gwa mikota. Lōli komma ukufuma pa kwāgāna na Kristi unsyukano. Mu Ngamu ya Yeso, alibumbulusigwāga umwēne. Ameni.

...?...

278 Ntwa, paga kwa kalumbu gwītu, ukupilikisya kifuki ku busūme bwāke, ukukētésya ilisyu lililyōsa umwēne āyobíle. Ikyene kyo panongwa ya Kitangalala kya Kyāla. Une ngusuma ukuti Ugwe kupaga ikyene ku mwene, mu Ngamu ya Yeso. Ameni.

[Kalumbu ikuyoba ku Nkundwe Branham—Nsimbi.]...?...

279 Gwe Ntwa, ukuya ntumigwa Gwako, ukunkēta mama yula ikukūtīla umwāna gwāke, une ngukemela umohesi uyu ābōmbile iki.

280 Kangi pa bwīlate bwa nkīkūlu ubwa lwītīko, une ngakaga u mōhēsi. Ugwe utisakundemasya umwanike uyu mma. Yaga mbumbulusigwe mu Ngamu ya Yeso. Ameni.

Umwēne afuma itolo pakubūmbulusīgwa, kalumbu. Itolo komma ukwīlamwa ikyēne, na kayabo mma. Kyala akusaye ugwe, nkundwe. Uyo yo mwana gwako? Umwene aliambilila u Mbepo Mwikemo!

281 Ngimba ukabagīla ukummwegela umwāna kubuyobumo kangi kampilikisye umwene itolo ku maminiti manini. Une ngwitika ikindikimo kibonike ku mwāna. Ugwe kwisakwambililaga ikyēne. Ngimba ugwe kwitika ikyēne?

282 Mu Ngamu ya Yeso Kristi unkundwe gwītu aliambililaga ububumbulusyo bwāke.

283 Ntwa, a Maka ga Kyāla Mwenemaka gali tobesyaga ubukomeligwapasi bwa mbili gwāke, kangi mwīsúsye umwēne na Mbepo Mwikemo. Iyi yo sala na akabalilo. Mu Ngamu ya Yeso Kristi, une ngukupa Ikyēne kwa ugwe. Ameni.

284 Imbongo ya sukali yikīndile. Ugwe gwāmbilīle u Mbepo Mwikemo. Ngimba kabalilo katali bulebule ugwe ubinile. . . ? . . . Ubūmi bwāke bōsa. Ngimba ugwe kwitika ukuti Kristi isakukupela ugwe ukuya kanunu kangi ukukuponesya ugwe ukufuma ku mbungo iyi; ukupela ugwe ukuya kanunu?

285 Umwāna gwāko? Ikyāko—ikyāko ikilūndi. Ugwe itolo gwīsīle itolo gwīmwene? Linga une nāli, linga—linga nāli na maka nkati mwa nīmwēne, muktile! Lōli une ngwitika ukuti Kyāla isakundula une ukuya nu lwītīko ku kyēne. Une nisakubōmba kilikyōsa iki kili mmaka gāngu. Ngimba ugwe kwitika une? Ngimba ugwe kwitika akapango kala isya balukoti bala? Ugwe kubōmba? Ugwe kwitika ukuti ikyene kibagīle, ukuti ulubunju ulu, ukuti Kyala abagīle ukubumbulusyaga umbili gwako, kangi ugwe kwēndāga kangi, ukwēnda ngāti ugwe ubagilīle ukuya akabalilo kākwānda? Kilipo ikindikimo itolo kyābonike ikwisila mu kupāpīgwa kwāko mula, kilipo ikindikimo iki kyafufenie ikindikimo panini kangi ugwe itolo ukākulile kanunu. Itolo bo lusamba lukukula pamwanya pa lusamba ulungi, ikyēne kikukolelela ikyēne pāsi. Ena, linga ulusāmba lula lubagīle ukusōkapo pa lusāmba lula, ulwēne lwisakugolisigwāga nukuya kanunu. Muketile? Ngimba ikyo kyo kutalusya? Ikyēne kyo kigune. Ikyēne kyo kigune. Linga ikigune kibagīle ukusōkapo, polelo ugwe kwisakuyaga kanunu. Muketile?

286 Ntwa, une ngwinogona, bule linga uyu āli mwana gwāngu, bule linga uyu āli nkundwe gwāngu? Nu lwitiko, une ngusōsyāpo ikigune, mu Ngamu ya Yeso Kristi. Ameni.

287 Gwe Ntwa, une ngubika amaboko gangu pa mwene kangu ngukusuma ku bubumbulusyo bwāke mu Ngamu ya Yeso Kristi. Amen.

288 Tata Kyāla, mu Ngamu ya Yeso Kristi, une ngubika amaboko pa nkikulu uyu unkubilwe, ku bubumbulusyo bwake. Amen.

Kalumbu Nash, Kyāla ākupokile ugwe ukufuma ku kansa, ifyinja ifi fikindilepo.

289 Ntwa, mpapo Kalumbu Nash ubusūme bwāke. Ukuya mbōmbi Gwāko, une ngusuma ikyēne. Ikyēne kisakubōmbigwāga. Iyo lyo lyāmulo, Kalumbu Nash.

Mu Ngamu ya Yeso Kristi, paga u kalumbu gwītu ubusume bwāke. Amen.

290 [U nkundwe na kalumbu bikuyoba nu Nkundwe Branham—Nsimbi.] Ndaga ugwe, nkundwe, kangu bukaga ku bandu aba baali kula. Kyāla alipaga ikyene. Akabalilo akanunu kaki, abāndu bāke bākongile bo une ndi kula. Ugwe gwāli ku Bombay bo uswe tuli kula? Ena, polelo ugwe itika ifindu ifi fifyo une. . . ugwe upilike?

291 Ntwa, bo umwēne ikugomokela ku bāndu bāke ukukilania inyānja, umwēne alibūkāga isusīgwe na Maka ga Kyāla, abumbulusīgwe mu busume bulibosa ubu umwēne ikusūma. Alibukaga umwēne nukwakwambilila ikyēne, mu Ngamu ya Yeso Kristi. Amen.

292 Mu Ngamu ya Yeso Kristi, u Mwanundumiana gwa Kyāla, ali ambulilaga u kalumbu gwītu ubusūme bwāke.

293 Ntwa, paga ubusūme bwa kalumbu gwītu. Ulutamio lwāke luli imikigwāga lululu ulu, mu busyūke ukwisila Yeso Kristi. Amen. Kalumbu, ikyēne kikufimbilisīgwa ukuya, itolo kikufimbilisīgwa ukuya!

294 [Kalumbu ikuyoba nu Nkundwe Branham—Nsimbi.] Ugwe kulonda iki kyāndisīgwe mu Nongwainunu? [“Ena.”]

295 Ntwa Kyāla, mūmo unkīkūlu unkeke ikwīma apa, komma panongwa ya finyonywo fyamwēne mma. Umwēne ikwiputila u nkundwe gwāke, ali ni mbungo mu lilopa. Une ngumpa umwene ubusūme bwāke. Nu kutumigwa kūko kwapēgīgwe nu Gwandumi; kangu ni mboniboni ya Yeso Kristi, imilungi minandi igi gikindilepo, nkyumba kyāngu; une ngupa undindwana ubusūme bwāke. Amen.

296 Ikyene kikufimbilisīgwa ukuya. Ugwe kwitugasya pabupipi apa? [U kalumbu ikuyoba, “Memphis, Tennessee.”—Nsimbi.] Memphis, Tennessee. Nsimbila une kalata. Ugwe kwisa—ugwe kwisa—ugwe kwisa kuyaga nubusūme bwāko.

297 Nkundwe Grimsley. [U nkundwe ikuyoba nu Nkundwe Branham—Nsimbi.] Kyāla akusaye ugwe, Nkundwe Grimsley.

298 Ntwa, uswe tubagile ukukumbukila bo butali buki kũko unkundwe uyu afumileko, kangi ikibwina umwene akẽkigwẽko. Umwene ikulonda u Mbepo Gwako ugwakongelelapo, Ntwa. Iki une ngumpa umwene, mu Ngamu ya Yeso Kristi. Ukukẽta imbombo syake isyakunyuma, ukuti umwene agelile ukukõnga Ugwe, polelo, na Maka ga ku—kutumigwa kwangu uko kwapẽgigwe kwa une na Yeso Kristi, busisimikisigwe nu Gwandumi ni mboniboni, une ngumpa Nkundwe Grimsley ikinyonywo kyake. Mwisusya umwene ukwĩsũla nu lwĩtiko, nu kwẽnda ukwakifuki umwene isakuyaga nako.

299 Bule linga une nakubũlile ugwe, “Bukaga kangi kayege kanunu, panongwa ya Kitangala kya Kyala”? Ngimba ugwe kwitika iki une njobile isya balukoti bala na fila, kangi ngimba ugwe kwitika ikyo ukuya bwanaloli? Polelo, Umwene, Umwene ikumba une iki une nguyoba ku iki “kyamba.” . . .? . . . Ugwe utisakuya na kimo ikingi. Ugwe utisakuyaga na kimo ikingi. Patisakuyapo kangi imbungo mma, umwe mwesa-babili, kanunu.

300 Une ngumpa ubusume ubu bũbo umwene ikusũma, mu Ngamu ya Yeso Kristi. Ameni.

301 Tata Kyala, paga kwa uyu, kalumbu gwĩtu, mu Ngamu ya Yeso Kristi. Ameni.

Ndaga, kalumbu, bukaga, itikaga ikyene.

302 Tãta, bo unkĩkũlu uyu ikukĩndapo, une ngusuma ukuti Ugwe kwisakumpa umwene ubusũme bwãke, mu Ngamu ya Yeso Kristi. Ameni.

303 Mu Ngamu ya Yeso Kristi, une ngumpa u nkikulu uyu ubusũme bwãke. Ameni. Komma ukwilamwa ikyene.

304 [Kalumbu ikuyoba ni Nkundwe Branham—Nsimbi.] Ugwe kwitika ukuti ugwe kwisa kwambililaga ikyene? [“Ena.”] Polelo une ngukupapa ugwe ubusume bwãko, ukwisila mMaka aga gãpẽgigwe kwa une ukwisila ubutumigwe bwa Yeso Kristi, nu kubikiligwa ubuketi. . . .? . . . Bukaga, kangi—kangi Kyala isakuyaga na ugwe.

305 Nkundwe Fre, ngimba fyo fiki fili pa ndumbula yãke? [Nkundwe Sothmann ikuyoba nu Nkundwe Branham—Nsimbi.] Nkundwe Freddie Sothmann, une ngutobesya umwafi gula mu mbili gwãko. Gulikulekãga ugwẽne ugwe, mu Ngamu ya Yeso Kristi. Ameni.

306 Nkundwe Collins. [Nkundwe Collins ikuyoba nu Nkundwe Branham—Nsimbi.]

307 Ntwa, u nkundwe umpala uyu ikulondalonda ulõsyo lwa Mbepo Mwikemo. Ntwa, na fyõsa ifi fili mwa une, une ngufumusya u Lusayo ulu pa gwãngu u Nkundwe Collins. Paga ikyẽne. U Mbepo Mwikemo alĩsaga pa mwene, kangi umwene alisusigwa nu Mbepo Mwikemo! Ameni.

³⁰⁸ Nkundwe Collins, ugwe kufimbilisigwa ukwambilila Umwène, Umwène ikufimbilisigwa itolo ukwisa. Kyála ikutugela itolo uswe.

³⁰⁹ Ntwa, paga ubusũme ubu. Alikubõmbelága Ugwe umwène, kangi ikikolo kyâke kilikubõmbelága Ugwe, ni ndumbula syâbo syõsa.

³¹⁰ Kyala, paga kwa kalumbu gwĩtu ubusũme bwâke. Kabuno fyõsa ifi umwène asũmĩle, ali ambililága umwène icyène, mwa Yeso Kristi u Ntwa gwĩtu. Amenĩ.

³¹¹ Ntwa, mpâpo u nkundwe uyu amaka ukukitũla ikipãnga kyâke. Kilipĩgwága iki. Une ngumpa umwène amaka aga, mwa Yeso Kristi. Amenĩ.

³¹² [U kalumbu ikuyoba nu Nkundwe Branham—Nsimbi.] Kalumbu, ikyo kindu kinyali iki ugwe uli nakyõ, ulutẽnde. Ngimba ugwe kwitika iki une nguyoba kwa ugwe kyo kyabwanaloli? [“Ena, une ngwitika.”] Ngimba ugwe kwitika lilino, ukuti une—une njobile kwa ugwe bwanaloli? [“Ena.”] Polelo une ngukupaga ugwe ububumbulusyo, mu Ngamu ya Yeso Kristi. Itolo ukuya nsisimikisiyi bo une nimile pa kigemo, ulutẽnde lwãko lukindile ukufuma kwa ugwe.

³¹³ [Nkundwe ikuyoba na Nkundwe Branham—Nsimbi.] . . . ? . . . Ikyene kikwima papanja, paliposa pa ugwe.

³¹⁴ Gwe Ntwa Kyala, ku nkundwe gwãngu umpala unnini apa, ukuya kisolofu nu ubusolofu bwa mbepo gwãke ikukõlela ngati ubusolofu bukukõlẽla ku Busolofu. Umwène ikulõnda u Mbepo Mwikemo. Umwène ayĩndĩke ububõmbelo, Ntwa, mu njila yiliyosa iyi umwène abagĩle. Na Maka ga Mbapo Mwikemo, kilisaga Ikyène pa nkũndwe, kangĩ umwène ayege mwĩsusĩgwe na Maka ga Kyála ni lipyãna, Mbeko Mwikemo. Mwambililaga umwène, bo une ngumbĩka umwène mu . . .



BŪKA, KABABŪLE KYA60-0417M

(Go, Tell)

NDŪMI SYA PĀSA MBATIKANO

Ubulumbilili ubu butwaligwe nu Nkundwe William Marrion Branham, ubu pakwanda bwatwaligwe nki Ngereza pa Ndungu gwa Paasa kulubunju, Epurelo 17, 1960, ku Branham Tabernacle mu Jeffersonville, Indiana, U.S.A., bwegigwe pa busimbe bwa tepi ya magneto kangi busimbigwe kisitakutumula mu ki Ngereza. Ukusimba ukwa mu Kyangonde ubu bwasanusigwe nu kuyabanisigwa na ba Voice of God Recordings.

KYANGONDE

©2022 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org